


漢州志卷之

卷八

22-6613
3032-065
11-8

Kodak Color Control Patches



漢州志卷三十一

列女志

節孝
貞女

節烈
烈女

婦人之義從一而終女子之貞年不字懿夫

甘進鹽奉事翁姑執帚侍巾敬相夫十職皆分內

禮在則然唯是髫齡失偶三生踐同穴之盟弱息

驚魂一死絕強人之望其或偶遇狂夫因而殞命

又或一聞穢語立即捐軀只求節義之無虧克荷

綱常之重任白氣冲天何論金石彤編著姒承薦

馨香志列女

節孝

漢

龐行姜詩妻詩事母至孝妻奉順尤篤母好飲江水水去舍六七里妻嘗泝流而汲後值風不時得還母渴詩責而遣之妻乃寄止鄰舍晝夜紡績市珍羞使鄰母以意自遺其姑如是者久之姑怪問鄰母鄰母具對感慙呼還恩養愈謹其子後因遠汲溺死妻恐姑哀傷不敢言而託以行學不在姑嗜魚膾又不能獨食夫婦常作供

膾呼鄰母供之舍側忽有涌泉味如江水每日輒出雙鯉魚常以供母之膳

高氏張勝遠妻年十八夫沒子甫半歲氏勵志守節備歷艱辛 舊志

宋

王氏陳安節妻于歸歲餘夫卒守節事舅姑克盡孝養訓子新入太學旋卒撫二孫綱紱皆以篤學聞戚屬中貧者氏為收養婚殯甚眾族人尊之曰堂前

計氏張咸妻生浚四歲年二十有五而寡父母欲
嫁之誓弗許浚能言卽令誦父所爲文能記事
卽告以父言行無頃刻失教故浚幼時行必端
視必直坐不倚言不誑甫冠入郡學母送之泣
曰門戶寒賴爾成立當以祖父之業爲念條戒
語數十端授焉浚隆貴所爲不當意必變色示
戒紹興十六年浚任永州欲論秦檜奸恐禍不
測爲母累憂之至體爲瘠母怪問以實對母不
應惟誦其父紹聖初對策曰臣寧言而死於斧
鉞不忍不言以負陛下浚遂決疏上請漳州母
送之曰行矣汝以忠直得禍何媿

明

姜氏郭朝用妻年二十八歲而寡芒志二十餘年
撫二子俱中嘉靖乙酉鄉試卒年七十有四
孟氏戴處信妻年二十守節有勸其再嫁者氏誓
死不移後依兄同居松潘極邊苦寒採野菜以
食始終如一事聞旌表

鐵氏方涇妻年二十守節善事翁姑撫子成名年

八十餘歲卒建坊旌表

許氏方涇妾涇卒氏苦節終身後奉旌表

馬氏趙文佑妻夫卒孀居訓二子成立卒年八十

建坊旌表 通志佑作耀誤

唐氏何其瑞妻年二十守志撫子節登萬歷乙未

進士建坊旌表

郭氏監生趙一琴妻夫卒於太學氏甘貧矢志郡

守上其事旌以古節

章氏舉人胡桐妻桐卒氏年未三十遺一子尙幼

日夕悲痛矢志柏舟家貧茹荼飲蓼撫孤入郡
庠年八十餘卒

阜清

何氏劉尙臣妻夫亡舅姑年邁竭力奉養迨沒祭
葬如禮撫二子成立以世其家歷節四十餘年
奉

旨旌表

郭氏胡加貴妻二十二歲夫沒翦髮矢志孝事舅
姑撫子成立歷節四十九年奉

旨旌表

王氏庠生方宏勳妻十八歲于歸甫三月夫亡矢志守節紡績自給歷節五十六年卒

鄧氏戴璞妻年二十一歲夫卒一子甫六月氏矢志守節敬奉祖母孝事翁姑撫育童孤惟勤紡績歷節五十年

方氏生員王介妻夫歿遺一子鑑矢志堅貞歷節三十一年

余氏楚某妻孀居好善常募修小漢鎮路一千八百餘丈又募修白魚河石橋

趙氏貢生何成功妻子應熊甫七月成功身故矢志守節撫孤成立名列州庠又訓孫鴻志成名以繼書香七十八歲卒歷節五十餘年

王氏貢生侯國柱繼妻夫沒守節撫孤暉暉俱幼茹荼飲蓼紡績佐讀苦節自甘殯葬翁姑子啁名列州庠

何氏周自明妻二十歲夫故遺孤冕六歲甘心守節撫幼成立名列州庠且能繼夫志殯葬翁姑

如禮知州鮑成龍給以冰霜之操額其門

王氏齊應宿妻年二十八夫亡遺孤鳳龍甫四歲

氏天志從一紡績維勤歷節五十餘年

杜氏劉承勲妻年二十九夫亡遺孤仁綱瑚璉氏

立志守節歷三十五年惟以紡績自供子仁列

太學孫曾元多列膠庠

王氏曹綱妻于歸一載年十八夫亡遺腹生子嗣

昌冰霜自天并曰親操歷四十餘年內言不出

外言不入孤成立以終夫志

劉氏孝廉劉新甲女周明命妻二十八歲夫亡晝

夜悲泣且曰吾非不能死蓋以三孤未及成立

耳矢志從一雖至親罔見其面兄弟姪男不與

共席奉姑孀尤盡婦道得其歡心婚配三子以

成夫志苦節五十四年卒年八十二歲

程氏增生鄭珏妻二十五夫故遺三女以姑年老

矢志終養洗腆承顏大得姑意又將分受田地

付與伯叔女紅自給遣嫁三女豐儉得宜自壽

年以及皓首節操如故

涂氏鄭仕茂妻敬戒無違克盡婦道生子四女二
仕茂身故比欲身殉苦勸乃止冰霜自勵上事
喪子之姑下育失父之男丸熊畫荻訓課殷勤
子列黌序者三人雍正八年歿苦節三十四年
范氏羅令妻令以病故遺一子二女勵志守節紡
績自供訓子成名身立膠庠苦節五十四年康
熙六十一年卒

蔡氏龔其昌妻二十三歲其昌身故姑老子女六
人俱未婚字奉姑承顏順志克全婦職男為

配女為遣嫁母道無虧

盛氏周璠妻于歸甫八月年二十夫卒生遺腹子

國儀氏孤貧與夫兄瑄同居志挾冰霜歲勤紡

績養姑克孝撫子成名年六十族鄰公舉州牧

給勁節凌霜額其門

以上俱舊志其續增蕭昇元一條未載弟婦魏氏

十九歲寡居撫子成立已見四孫等語查卷並

無魏氏又不便與夫兄蕭昇元連類并書故附

錄節孝後俟考

楊氏嚴以容妻二十七歲以容卒當以容之病也
氏籲天告斗願以身代割股救不起捐軀以殉
姑聞聲喊救移時方甦家徒四壁紡績供葬祭
事翁姑極順得歡心翁病股復割並祝滅已算
以益翁壽及卒葬祭如禮素性嚴肅家雖貧內
外整潔鬚眉男子亦服其行課讀寬嚴有法
恭孫三畏俱入膠庠守節三十五年乾隆二十
八年詳請節孝奉

旌表

程氏庠生張越妻二十八歲越卒撫孤守志事翁
姑家貧必具甘旨病必親嘗湯藥舅姑亡摒擋
盡禮兼撫孤姪三人疴養如已出子仁壽邦仲
先後成名守節三十四年乾隆三十六年詳
節孝奉

旌表

王氏趙洞妻二十七歲夫故氏矢志堅貞奉事翁
姑能盡孝道撫孤子繼祖成名守節四十年乾
隆四十五年詳請節孝奉

旌表

廖氏黃宗孟妻二十二歲宗孟卒氏撫嫡姪祖鑑承祀保愛教育出於至誠事舅姑得其歡心儉勤交至守節五十二年乾隆五十三年詳請節孝奉

旌表

周氏張仁守妻二十五歲夫病翦髮焚禱願以身代仁守卒氏奉事翁姑撫教孤子亨衢入庠守節三十一年乾隆五十四年詳請節孝奉

旌表

劉氏黃國依妻二十二歲國依卒氏撫姪緒宗以慰翁姑生養死葬如禮守節四十餘年乾隆五十五年詳請節孝奉

旌表

羅氏陳斌蓮妻二十二歲斌蓮卒氏奉事翁姑惟謹撫教孤子成立守節四十八年乾隆五十五年詳請節孝奉

旌表

邱氏潘啟祥妻二十歲啟祥卒時子槐方乳哺氏撫孤矢志敬事翁姑教子入庠旋貢成均守節四十五年乾隆五十六年詳請節孝奉

旌表

黃氏譚正儒妻二十三歲正儒卒氏水漿不入口翁姑勉以大義始活孝事翁姑撫孤選珍成冬守節三十二年乾隆五十九年詳請節孝奉

旌表

余氏金國瑞妻二十五歲國瑞卒氏虔奉翁姑

勤撫育守節四十一年乾隆六十年詳請節孝奉

旌表

張氏李耀妻二十八歲耀卒氏事奉翁姑殷勤撫育守節四十二年嘉慶元年詳請節孝奉

旌表

劉氏庠生侯肇禋妻十九歲肇禋卒氏奉孀姑撫遺腹子賜冕成立屏絕鉛華親族無事不待見其面守節三十六年嘉慶十四年詳請節孝奉

旨旌表

鄧氏黃纘書妻二十一歲纘書卒奉事孀姑能先
意承順故姑能無失子之痛教育孤子有法守
節四十年嘉慶十四年詳請節孝

旨旌表

卿氏唐鳳秀妻二十八歲夫故事翁姑以孝教三
孤以義矢志堅貞族鄰罕見其面見年七十八
歲歷節五十一年嘉慶十七年知州劉長庚詳
請節孝

陳氏唐國材妻二十一歲

佃田耕種奉事衰翁甘旨無缺翁卒衣衾棺

皆氏紡績所製守節四十年嘉慶十七年詳請

節孝

胡氏劉守家妻二十四歲夫故氏侍奉孀姑撫育

孤子見年五十九歲歷節三十五年嘉慶十七

年詳請節孝

鄧氏段秀章妻二十七歲夫故氏紡績維勤訓

成立見年六十四歲守節三十八年嘉慶十七

年詳請貞節

胡氏劉懋庸妻二十七歲夫故上事翁姑養葬如

禮下育孤子卒年七十四歲歷節四十七年

慶十七年詳請節孝

以上四人現由知州劉長庚詳請旌表尙未奉到

覆

余氏丁近偉妻二十三歲近偉卒氏撫孤守節孝

事翁姑養葬以禮守節四十八年嘉慶七年卒

壽七十八歲

李氏秦懋聖妻二十一歲夫故氏奉事翁姑如

撫教孤子起元成名卒年五十四歲歷節三

二年

曹氏張恒妻二十歲夫故氏矢志守節撫孤成

卒年五十八歷節三十八年

劉氏黃華駢妻二十二歲夫故哭泣三年家貧矢

志有勸之再醮者誓不從貞操苦節百折不可

孝養雙親撫子成立卒年五十三歲歷節三十

一年

郭氏辛含藥妻二十四歲夫故撫育孤子兆康成

立娶媳郭氏年十七歲兆康卒無出撫繼承祧
姑郭氏卒年八十五歲歷節六十一年媳郭氏
卒年六十七歲歷節五十年一門雙節

劉氏張懷信妻二十七歲夫故孝事翁姑撫孤守
志見年八十歲歷節五十三年

周氏王家積妻二十六歲夫故奉事翁姑撫育孩
穉見年六十九歲歷節四十三年

張氏袁學妻二十五歲夫故矢志守貞撫孤成立
子死又撫遺孫見年八十一歲苦節五十八年

歐陽氏周秀晟妻年十八于歸甫五日夫故上事
翁故撫姪承祧氏五十四歲卒歷節三十六年

康氏岸生張希準妻二十六歲夫故撫孤守節事
姑孝敬不衰見年五十九歲守節三十五年

趙氏張邦經妻二十歲夫故孝事翁姑教育三子
成立卒年七十一歲守節四十四年

王氏盛典妻二十三歲夫故奉事翁姑盡孝撫子
成名卒年八十有三歷節六十年

陳氏黃上遙妻二十歲夫故孝事孀姑撫姪爲嗣

卒年七十有三歷節五十三年

張氏貢生黃士勳妻二十六歲夫故事奉雙親養
葬盡禮撫育二子訓誨有方布服荆釵足跡不
出閩外見年六十有八歷節四十二年

向氏監生張爵文妻二十一歲夫故孝以養親嚴
以撫子子先逝撫二孫成立翁姑卒祭葬如禮
卒年六十有三歷節四十三年

呂氏趙國棟妻二十五歲夫故事親撫子克盡婦
職卒年六十有五歷節四十年

譚氏謝昌禮妻二十四歲夫故事奉翁姑生死盡
禮撫育二子課讀成名見年五十有八歷節三
十四年

夏氏張爵朝妻十九歲生子彌月夫故上事翁姑
不撫孤子甘貧守節堅操不渝見年五十有八
歷節三十九年

朱氏廩生黃士珪妻二十歲夫故矢志守節撫姪
承祧孝奉翁姑慈育穉子見年五十有二歷節
三十三年

袁氏歐陽積孟妻二十七歲夫故矢志養親恪守女
誠見年四十有九歷節三十二年

吳氏鄭在憲妻二十八歲夫故孝事翁姑撫子成
立七十有二歲卒歷節四十四年

楊氏張偲妻二十三歲夫故矢志守節撫子成立
事翁姑養葬盡禮五十五歲卒守節三十二年

鄧氏蔡天偉妻二十七歲夫故事翁姑死生盡禮
撫孤子教養兼全見年七十有二歷節四十六
年

廖氏莊有梓妻十九歲夫故家貧守節紡績養親
撫一子以延宗祀見年六十有二歷節四十二
年

李氏黃挺千妻二十六歲夫故甘守寒素以養親
教子為事八十四歲卒歷節五十八年

曹氏余前珍妻十九歲夫故仰事俯育得姑歡心
踰年子殤有勸嫁者氏斷左手小指以明志撫
姪承祧見年五十歲守節三十一年

張氏監生黃國中妻二十六歲夫故哭過哀雙目

瞽子聾目復明六十六歲卒歷節四十年

覃氏蕭一亮妻二十八歲夫故奉翁姑克全婦道撫一子成立八十二歲卒歷節五十四年

黃氏童佩文妻二十六歲夫故撫孤守志孝事翁姑嗣兒媳並亡氏撫孫成立甘貧紡績貞操不渝七十四歲卒歷節四十九年

羅氏夏曰鳳妻十九歲夫故事親盡孝爲子友忠娶媳廖氏二十八歲友忠故兩世全貞撫孫成立羅氏八十一歲卒歷節六十二年媳廖氏七

五歲卒歷節四十七年

申氏黃顯爵妻二十五歲夫故守節養親教子端圖入庠見年五十有六歷節三十一年

秦氏庠生趙溶妻二十七歲夫故孝順翁姑撫子成名卒年八十有一守節五十四年

王氏趙燦新妻二十三歲夫故善事翁姑詩書訓子六十三歲卒歷節四十年

唐氏譚正瑚妻二十七歲夫故事親撫孤克盡厥志見年八十歲歷節五十三年

劉氏張爵怡妻二十一歲夫故上事翁姑下撫孤

子迄於成立見年六十有三歷節四十二年

陳氏黃介于妻二十一歲夫故孤子三歲又殤痛

不欲生族人力勸撫姪承祧生一孫其子又歿

氏撫孫成立七十九歲卒歷節五十八年

周氏李淩雲妻二十五歲夫故奉事雙親撫子成

名見年七十有七歷節五十二年

卿氏謝維昌妻二十七歲夫故奉事翁姑撫育孤

子柏舟之操始終如一卒年八十有一歷節五

十四年

蕭氏謝繼祥妻二十五歲夫故奉事翁姑撫姪以

承夫祀至於成立見年六十有二歷節三十七

年

江氏劉日綱妻十九歲夫故事姑盡禮撫子成立

六十四歲卒歷節四十五年

黃氏羅復盛妻二十六歲夫故氏矢志堅貞事雙

親以孝訓二子以嚴見年六十有五歷節三十

九年

譚氏羅天相妻二十一歲夫故事親撫子艱苦備嘗見年五十有三歷節三十二年

賴氏高景宗妻二十二歲夫故孝事翁姑撫子成立見年七十有二歷節四十五載

黃氏鍾世煥妻二十六歲夫故事親撫子克盡婦職八十四歲卒歷節五十八年

楊氏胡揚璜妻二十二歲夫故孝事翁姑撫姪承祧七十五歲卒歷節五十三年

黃氏王觀梅 二十四歲 子女未詳家子

女成立始回後子化南入州庠娶媳劉氏二十

五歲化南故氏侍姑撫子兩世全貞黃氏七十

三歲卒歷節四十九年劉氏六十八歲卒歷節

四十三年

鄧氏李培福妻二十一歲夫故孝事孀姑撫姪承

祧見年五十有七歷節三十六年

盧氏黃日東妻十八歲夫故矢志堅貞不施簪珥

家貧箴紉自活事親撫孤其子繼逝氏又撫孫

成立卒年八十有二歷節六十四年

周氏張廷儒妻二十六歲夫故姑劉氏失明周恪事之行坐不離撫子成立見年五十有九歷節三十三年

黃氏韓先華妻二十二歲夫故事姑盡孝撫子成立見年五十有三歷節三十一年

黃氏張同銘妻二十三歲夫故孝事雙親撫子成名七十歲卒歷節四十七年

張氏楊奎光妻三十歲夫故家貧守節教子有方見年六十歲歷節三十年

張氏黃山靜妻二十三歲夫故無子撫姪承祧事翁姑以孝聞嗣子瞽廢氏又撫孫成立七十八歲卒歷節五十五年

王氏周廷英妻二十三歲夫故仰事繼姑撫子成立六十二歲卒歷節四十年

范氏陳士冕妻二十六歲夫故歷節三十八年見年六十有七舒氏陳士仁妻二十六歲夫故歷節三十一年見年五十有七孝事翁姑撫子成立一門雙節

張氏幸含澤妻二十六歲夫故仰事俯育艱苦備嘗六十五歲卒歷節三十九年

曹氏張衍鵬妻二十八歲夫故孝事翁姑慈撫孤幼見年六十有三歷節三十五年

黃氏張璠妻二十二歲夫故孝事翁姑撫子成立嗣子死遺二孫氏又撫孫成立六十二歲卒歷節四十年

陳氏王輯妻二十五歲夫故上事翁姑備極孝養下撫孤子成立子死又撫弱孫姑萬氏患疾氏

割股獲愈嗣翁姑歿喪葬如禮見年七十歲歷節四十五年

古氏黃士忠妻二十二歲夫故敬事雙親撫子成立見年七十歲歷節四十八年

楊氏許修詞妻二十八歲夫故事翁姑如禮撫子成立六十一歲卒歷節三十三年

徐氏李昂妻二十二歲夫故仰事俯育克全婦職八十七歲卒歷節六十五年

蘇氏陳付班妻二十一歲夫故奉侍病姑艱苦歷

嘗撫育孤子克致成立見年五十有三歷節三十三年

羅氏劉榮瑞妻二十歲夫故孝翁姑撫三子成立見年五十有一歷節三十一年

張氏劉世懷妻二十五歲夫故翁姑衰老進膳扶杖左右不離督子農業成家見年七十二歲歷節四十七年

譚氏周濟桂妻二十一歲夫故事親克盡婦道撫前子如已出見年七十歲歷節四十九年

梅氏吳裕基妻二十六歲夫故生養死葬俱有禮撫姪承祧卒年七十七歲歷節五十一年

廖氏劉明湛妻二十二歲夫故善承翁姑意旨屏紉衣素甘清貧見年六十四歲歷節四十二年

李氏生員邱溶妻溶病割股和藥病瘳二十八歲夫故守節養親撫孤成立孫曾列膠庠六十一歲卒歷節三十三年

張氏李彥昭妻十九歲夫故矢志守節見年五十四歲歷節三十五年

鄒氏劉紀禮妻二十歲夫故孝事翁姑撫姪承嗣
教以詩書見年六十五歲歷節四十五年

曾氏傅三友妻二十歲夫故矢志守節事姑育子
茹藥食貧始終不變歷節四十五年

周氏劉守鳳妻二十二歲夫故矢志堅貞事上盡
禮撫下有恩見年五十三歲歷節三十一年

鄭氏黃纘鳳妻十九歲夫故矢志堅貞孝事翁姑
撫子承祧見年五十二歲歷節三十三年

吳氏黃上列妻二十三歲夫故矢志守節撫子成
立六十八歲卒歷節四十六年

黃氏藍其著妻十八歲夫故矢志堅貞撫子承祧
見年五十二歲歷節三十四年

楊氏李憐妻二十八歲夫故家貧守志撫子成立
八十四歲卒歷節五十六年

牟氏貢生黃開玉妻二十四歲夫故上事翁姑下
撫孤子見年五十四歲歷節三十年

徐氏陳守純妻二十五歲夫故撫子成立卒年七
十九歲歷節五十四年

謝氏黃兆清妻二十九歲夫故撫子成立八十四歲卒歷節五十五年

周氏李其綜妻二十二歲夫故撫子成立見年六十歲守節三十八年

管氏黃允中妻十九歲夫故撫子成立見年七十八歲歷節五十九年

郭氏庠生黃士榮妻二十六歲夫故撫子成立見年五十八歲歷節三十二年

周氏呂啟宗妻二十二歲夫故事姑盡禮撫子成

立見年五十八歲歷節三十六年

劉氏羅亨楠妻二十五歲夫故事翁姑以孝聞撫

孤名列州庠見年六十六歲歷節四十一年

黃氏張乾惕妻二十六歲夫故上事翁姑下育孤

子見年六十一歲守節三十五年

倪氏王岱之妻二十五歲夫故家貧矢志堅貞撫

孤成立七十二歲卒歷節四十七年

謝氏藍文最妻三十歲夫故孝事翁姑撫孤成立

八十一歲卒歷節五十二年

何氏藍世璋妻二十七歲夫故矢志堅貞撫子承
祧見年六十九歲苦節四十二年

節烈

漢

二節婦永初中廣漢被漢中羌肆虐有馬妙所妻
義王元憤妻姬趙蔓君妻華夙皆喪夫共執其
姜之節守一醮之禮號曰三貞遭亂兵懼見辱
三人同時自沉於漢水而歿及死有黃鳥鳴其
亡處徘徊不去國人傷之乃歌曰關關黃鳥爰

集於樹窈窕淑女是繡是黼惟彼繡黼其必匪
石磋爾臨川邈不可獲舊志

按常道將巴志及楊升菴全蜀藝文志俱載三人
同時投於西漢水而死舊志脫一西字且二書
俱云廣漢被漢中羌反虐及巴郡有馬妙祈云
云是三婦巴郡人或廣漢縣人非漢州人也但
舊志已載關係風化仍存之

宋

陳氏何克妻克守黎州城破自刺不死被執殉難

當充之見呼也陳以一家往帥曰不呼汝何以
來陳曰吾求死爾及充死東望再拜曰臣夫婦
雖死可以對趙氏無愧矣眾以石擊殺之 朱史

元

馬氏係什邡縣進士馮文舉之妻

按舊志名宦門馮文舉官漢州學正後殉節雲南
馬氏從死云云不知何時入祀但關係風化故
并補入

明

明氏王相妻正德六年廖賊掠境其妻及女相謂
曰亂擾至此恐不相保即不幸寧死不辱於賊
既而果為賊所執欲犯之妻與女同聲罵詈不
得近遂遇害時母方三十餘女十六耳賊平後
鄉人勸相更娶相曰吾妻以吾故死吾何忍背
之終身不娶 萬曆舊志

姚氏豐溪屯百戶曹烈妻廖賊肆掠鄉村姚不及
脫抱乳女潛茂林中為賊所獲欲迫之姚不可
賊乃掖持之姚嚙傷賊指賊怒殺之越日家人

得屍見女猶哺其乳是時一門被害者四人賊
平後數閱月掘土具棺改葬之姚顏色如生萬歷

舊○書○○宜得以上二人縣竹人某採訪因
志○明○○八才漢州總志而誤收也

陶氏舉人江禹澤妻崇禎七年被賊執不從與兒

媳張氏同聲罵賊死

張氏舉人江禹澤兒媳同姑陶氏罵賊不辱俱死

貞女

皇清

吳女吳襄女翼基弟許聘州人其儒書為配儒書

年十六八州庠女及笄婚有日矣儒書病故女

聞訃稟父母命奔喪悲號欲俱死翁姑慰勸乃

止女自矢願守節維時翁姑家貧襄夫妻迎歸

撫養有議婚者女截指自誓曰再言婚者如此

指每日焚香供食寒暑無間五十一歲卒歷節

三十一年

潘女乳名蘭花潘周全女七歲許字廖家駿及笄

駿父母物故旋出亡久無音耗周全夫婦亦故

姊弟相依以鍼帶自活叔周玠撫為己女命子

四出尋駭不獲時玠與廖族公議許女另配女
聞之終日啼泣絕粒數日自誓終身守貞嗣後
再云改字者有死而已衆哀而諒之見年四十
有六髮蒼蒼矣寡言語勤紡織族戚罕見其面
烈女

漢

姚二女父超為廣漢屬縣長生二女長曰饒少曰
姚未嫁值九種夷叛超見殺饒姚為夷所獲共
詐欲飲水乃連腰沉水死見夢於兄兄依夢求

得屍以葬

華陽國志

舊志

明

楊處子楊通之女正德初為流賊所執大罵不屈
投水死

張氏張代明孫女崇禎十七年聞賊至將週身衣
服俱縫固投井死賊退家人出屍井中顏色如
生

皇清

李妹郭文宗童養未婚妻翁姑出外房主李裁進

門取所寄籬兜見李妹少艾獨處起意圖奸出
言調戲李妹不從閉門喊罵李峩當卽奔逃姑
黃氏聞聲趕回詢知前事方稟案聞李妹旋卽
投繯殞命乾隆四十二年議抵李峩以法聲請
李妹守正捐軀節烈可嘉奉

旌表

游二女游芳遠姪女因在屋後林內撿柴張禮華
亦往拾糞二女向阻張禮華出言污穢二女忿
聲尤厲游芳遠夫婦聞聲勸回二女忿氣難甘
啼哭不止叔嬭防護不及乘間投繯殞命嘉慶
五年議抵張禮華以法聲請游二女一聞穢語
捐軀明志貞烈可嘉奉

旌表

天州志卷三十三

藝文志

文以載道非道則無文矣文以副行失行則無文
矣以理為主以氣為輔以格律為宗以錯綜變化
為極致體制雖殊義趣則一要有裨於世道人心
而已洪惟我

國家右文稽古重道崇儒

璇題炳蔚闡歷聖之精微

璿藻恢張敷九天之雨露聲教覃訖賢哲挺生廊廟多

冀州志

卷三十三 藝文 辰翰

製作之才黨庠蒸考辨之學前編採載仍舊勿渝
此次續收務精而確謹逾蓋棺論定之條亦有因
文存人之意志藝文

宸翰

聖祖仁皇帝御製

宜聖孔子贊

并序

蓋自三才建而天地不居其功一中傳而聖人代宣其
蘊有行道之聖得位以綏厥有明道之聖立言以垂憲
此正學所以常明人心所以不泯也與稽往緒仰溯前

茲堯舜禹湯文武達而在二兼和師之寄行道之聖人
也孔子不得位然而在下秉刪述之權明道之聖人也
行道者勲業炳於一朝明道者教思周於百世堯舜文
武之後不有孔子則學術紛淆仁義湮塞斯道之失傳
也久矣後之人欲探二帝三王之法以爲治國平天下
之準其奚所取衷焉然則孔子之爲萬古一人也審矣
朕巡省東國謁祀闕里景企滋深敬摘筆而爲之贊

贊曰

清濁有氣剛柔有質聖人參之人極以立行著習察舍

道莫由惟皇建極惟后綏猷作君作師垂統萬古曰惟
堯舜禹湯文武五百餘歲至聖挺生聲金振玉集厥大
成序書刪詩訂禮正樂亦窮象繫亦嚴筆削上紹往聖
下示來型道不終晦秩然大經百家紛紜殊途異趨日
月無踰羹牆可晤孔子之道惟中與庸此心此理千聖
所同孔子之德仁義中正秉懿之好根本天性庶幾夙
夜勗哉令圖遡源洙泗景躅唐虞載歷庭除試觀禮器
摛毫仰贊心爲遐企百世而上以聖爲師百世而下以
聖爲師非師夫子惟師於道統天御世惟道爲寶泰山
巖巖東海泱泱牆高萬仞夫子之堂孰窺其藩孰窺其
徑道不遠人克念作聖

顏子贊

聖道早聞天姿獨粹約禮博文不遷不貳一善服膺萬
德來萃能化而齊其樂一致禮樂四代治法兼備用行
舍藏王道之器

曾子贊

洙泗之傳魯以得之一貫曰唯聖學在茲明德新民止
善爲期格致誠正均平以推至德要道百土所基纂承

統緒修明訓辭

子思子贊

於穆天命道之大原靜養動察庸德庸言以育萬物以贊乾坤九經三重道法是存篤恭慎獨成德之門卷之藏密擴之無垠

孟子贊

哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇竝垂六藝孔學後傳禹功作配

康熙二十八年

月

日勒州治學宮石碑

雍正元年正月

世宗憲皇帝

訓飭州縣

諭知州知縣朕惟國家首重吏治爾州牧縣令乃親民之官吏治之始基也貢賦訟獄爾實司之品秩雖卑職任綦重州縣官賢則民先受其利州縣官不肖則民先受其害膺茲任者當體朝廷惠養元元之意以愛民為先務周察葑屋綏輯鄉里治行果有其實循卓自有其

名非內聚賄而外干譽謂之名實兼收也全省吏治如
作室然督撫其棟梁也司道其垣墉也州縣其基址也
書云民為邦本本固邦寧夫所以固邦本者在吏治而
吏治之本在州縣苟州縣之品行不端猶基不立則室
不固庸有濟乎

皇考臨御六十一年灼知州縣之重特行引見咨詢明試
至詳至慎其有廉能之員不次超擢以示鼓勵今海內
羣黎皆

皇考所懷保也朕膺

宗社重寄思繼

皇考之治功惟爾州縣諸臣具有父母斯民之責其為於
立之基址以固邦本焉誠能潔已奉公實心盡職一州
一縣之中興仁興讓教孝教忠物阜民安刑清訟簡將
升之朝宁用為股肱如或罔念民瘼恣意貪婪或朘削
肥家或濫刑逞虐或借刻以為清或恃才而多事或諂
媚上司以貪位或任縱胥吏以擾民或徇私逞欲以干
虧國帑王章俱在豈爾貸歟更有任州縣時私肥已橐
而漫云且俟顯要方立名節者其與初市清名晚而改

操之人何以異哉至於錢糧關係尤重絲毫顆粒皆百姓之脂膏增一分則民受一分之累減一分則民受一分之澤前有請暫加火耗抵補虧空帑項者

皇考示諭在廷不允其請爾諸臣共聞之矣今州縣火耗任意加增視爲成例民何堪乎嗣後斷宜禁止或被上司察核或被科道糾叅必從重治罪決不寬貸夫欲清虧空之源莫如節儉正直節儉則用無不足正直則上官不可干以私若朘小民之生以飽上官之貪欲冒不測之罪以博一時之名侈豈砥礪廉隅爲民父母之道

乎爾州縣等官其恪共乃職勿貽罪戾毋謂地遠官卑朕不及察其賢否也特諭

雍正二年

諭勸農

上諭朕惟撫養元元之道足用爲先朕自臨御以來無刻不厯念民依重農務本業已三令五申矣但我國家休養生息數十年來戶口日繁而土田止有此數非率天下農民竭力耕耘兼收倍獲欲家室盈寧必不可得周官所載巡稼之官不一而足又有保介田畯日在田

開昔爲課農設也今課農雖無專官然自督撫以下孰不兼此任也其各督率有司悉心相勸並不時諮訪疾苦有絲毫妨於農業者必爲除去仍於每鄉中擇一二老農之勤勞作苦者優其獎賞以示鼓勵如此則農民知勸而惰者可化爲勤矣再舍傍田畔以及荒田不可耕種之處度量土宜種植樹木桑柘可以飼蠶棗栗可以佐食柏桐可以資用卽榛楛雜木亦可以供炊爨其令有司督率指畫課令種植仍嚴禁非時之斧斤牛羊之踐踏奸徒之盜竊亦爲民利不小至孽養牲畜如北方之羊南北之彘牧養如法乳字以時於生計不無裨益總之小民至愚經營衣食非不迫切而於目前自然之利反多忽畧所賴親民之官委曲周詳方多勸導庶使踴躍爭先人力無遺而地利始盡不惟民生可厚風俗亦可還淳爾督撫等官各體朕惓惓愛民之意真心奉行倘視爲具文苟且塗飾或反以擾民則尤其不可也

雍正四年

諭教士子責成學臣教職

上諭爲士者乃四民之首一方之望凡屬編氓皆遵之奉之以爲讀聖賢之書列膠庠之選其所言所行俱可爲鄉人法則也故必敦品勵學謹言慎行不愧端入正士然後以聖賢詩書之道開示愚民則民必聽從其言履習其教相率而歸於謹厚或小民偶有不善之事卽懷恥之心相戒勿令某人知之如古人之往事則民風何患不淳世道何患不復古耶朕觀今日之士子雖不天閉門修勤讀書立品之輩而蕩檢踰閑不顧名節者亦復不少或出入官署包攬詞訟或武斷鄉曲勢壓不

民或違抗錢糧藐視國法或代民納課私潤身家種種卑下賤之事難以悉數彼爲民者見士子誦讀聖賢之書而行止尙且如此則必薄待讀書之人而並輕視聖賢之書矣士習不端民風何由而正其間關係極爲重大朕自卽位以來加恩學校培養人材所以教育士子者無所不至宜乎天下之士皆鼓舞奮興爭自濯磨盡去其仇達之習矣而內外諸臣條奏中臚列諸生之劣跡請行嚴懲者甚多朕思轉移化導之法當先端其本源教官者多士之儀型也學臣者教官之表率也教官

多屬中材又或年齒衰邁貪位竊祿與士子為朋儔視
 考課為故套而學臣又但以衡文為事任教官之因循
 怠惰苟且塞責漫不加察所以倡率之本不立無怪乎
 士習之不端而風俗之未淳也朕孜孜圖治欲四海之
 大萬民之眾皆向風而慕義革薄而從忠故特簡督學
 之臣慎重學臣之職欲使自上而下端本澄源以收實
 效也凡為學臣者務使持公秉正宣揚風化於教官之
 稱職者即加薦拔溺職者即行參革為教官者訓誨士
 子悉秉誠心如父兄之督課子弟至於分別優劣則至

公至當不涉偏私如此各盡其道則士子人人崇尚品
 詣砥礪廉隅且不但自淑其身而羣黎百姓日聞善言
 日觀善行以生其感發之念風俗之丕變庶其可望也
 諭老人

上諭朕覽戶部奏銷本章見恩詔內給賞老人一項南
 隸各省七十以上至百歲以上老民老婦共一百四十
 二萬一千六百二十五名賞給絹布等件價銀共八十
 九萬餘兩米一十六萬五千餘石等語凡此老人但就
 民人而言如仕宦紳士商賈僧道皆不入此數之內洪

範以壽居五福之首而昔人稱七十爲古稀誠以壽爲
難得而可貴也乃今日老人之多至於如此皆由我

皇考聖祖皇帝六十餘年以來深仁厚澤休養生息凡山
陬海澨僻壤窮鄉無不沐浴

鴻慈涵濡大化太和翔洽壽國壽民所以期頤耄耋龐
眉皓首之人至數百餘萬之多所謂老者以壽終幼孤
得遂長者皆我

皇考之賜也從此益加培養日積月累則民間之享高年
介眉壽者更不知如何之衆矣此等老人躬際昌明年

登上壽大抵皆居心忠厚力行善事之人卽或有一二
年少時未盡醇謹者亦必中年暮齒能自悔悟之人蓋
一念修省卽荷上天福祐也是國家有培養之恩而由
本人能修善以祇承之非幸而致之者也爾等百姓觀
百年之盛事當歡忻鼓舞謹身修德以迓天庥父與父
言慈子與子言孝兄弟友恭夫婦和順比閭族黨之間
相親相愛無詐無欺革薄從忠循分守法盡除乖戾之
氣爲國家淳朴善良之民則天地祐善錫福長享遐年
此必然之理也但生齒日盛食指繁多則謀生之計不

可不講爾等百姓當重農桑以順天時勤開墾以盡地利務本業以戒遊惰謹蓋藏以裕久遠而且節省食用愛惜物力毋縱奢侈毋競紛華毋任意靡費以耗有用之財毋但顧目前而忘經久之計朕以勤儉先天下宮禁之中於食餘之物皆不忍棄必令人檢取收貯之數年以來所貯米粟已至數十石之多朕臨御萬方尙多方樽節愛養以為加惠元元之本爾等小民安可縱口腹之所欲而忘物力之艱難乎爾等誠能體朕諄諄訓誨之意敦善行則心體安務本計則俯仰足惜財用則

家室裕人心和樂風俗醇美同為壽考之人長享昇平之福豈非朕之所厚望哉著該部將朕此旨轉發直省督撫通行所屬縣鄉村咸使聞之特諭

諭利弊辨

上諭帝王體國經邦政治所施惟準乎道理之至當寬嚴賞罰各得其宜若一涉利弊二字便入於私是以孟子云仁義而已矣何必曰利蓋仁所以休養安全義所以裁成化導也朕自承大統四年於茲凡政教號令皆遵法

歲豐歉不齊設有水旱為之賑饑平糶蠲賦緩徵此朝廷軫恤之恒政而可謂之興利乎老人應賜以衣食則賜之孤獨應恤以錢糧則恤之勸以孝弟本小民自有之天良勗以耕桑因閭閻各盡之職業而可謂之興利乎至於盜賊姦宄法所應誅貪官污吏法所應黜豪紳劣衿法所應鋤而謂誅盜姦黜貪污鋤豪劣為除弊可乎情罪重者予以刑辟情罪輕者予以矜釋此又可為除弊乎欲正民風而端士習不得不戒之用休董之用威也將以此為興利乎抑除弊乎念習俗之流於奢靡也朕躬為節儉以身示天下慮農人之惰於南畝也朕親為耕藉以身先天下將以此為興利乎抑除弊乎夫存興利之心即有不利之害有除弊之意即為啟弊之端由此類推治道安得有利弊之名朕又何嘗有興利除弊之舉也

皇

考六十餘年有豐功偉烈布在方冊皆因事治事以人治人從不居興利除弊之名而以此頌揚朕之政事朕實不敢當朕亦不願當也外省督撫諸臣未能深悉朕意為此曉諭知之

歲豐歉不齊設有水旱爲之賑饑平糶蠲賦緩徵此朝廷軫恤之恒政而可謂之興利乎老人應賜以衣食則賜之孤獨應恤以錢糧則恤之勸以孝弟本小民自有之天良勗以耕桑因閭閻各盡之職業而可謂之興利乎至於盜賊姦宄法所應誅貪官污吏法所應黜豪紳劣衿法所應鋤而謂誅盜姦黜貪污鋤豪劣爲除弊可乎情罪重者予以刑辟情罪輕者予以矜釋此又可爲除弊乎欲正民風而端士習不得不戒之用休董之用威也將以此爲興利乎抑除弊乎念習俗之流於奢靡也朕躬爲節儉以身示天下慮農人之惰於南畝也朕親爲耕藉以身先天下將以此爲興利乎抑除弊乎夫存興利之心卽有不利之害有除弊之意卽爲啟弊之端由此類推治道安得有利弊之名朕又何嘗有興利除弊之舉也

皇考六十餘年有豐功偉烈布在方冊皆因事治事以人治人從不居興利除弊之名而以此頌揚朕之政事朕實不敢當朕亦不願當也外省督撫諸臣未能深悉朕意爲此曉諭知之

雍正五年

諭舉貢生生員

上諭從來爲政在乎得人書曰野無遺賢萬邦咸寧蓋賢才登進在位者多則分猷效職庶績自能就理而民生無不被其澤也朕卽位以來加意旁求凡所以延訪擢用之道盡朕心力如現任官員及候補候選科目諸人每特令薦舉遴選引見廣開錄用之途冀收羣策之力又念各省學校之設原以養育人才爰命學臣保舉賢能升聞於朝以備任使乃直省學臣所舉人數不多

又多草率塞責不能副得人之實夫十室之邑必有忠信今直省府州縣學貢生生員多者數百人少亦不下百餘其中豈無行誼醇篤好修自愛明達之士乎著知州知縣官會同各該學教官將府州縣之貢生生員內居家孝友行止端方才可辦事而文亦可觀者秉公確查一學各舉一人於今年秋末冬初申報該上司奏聞請旨其或僻遠中學小學實無可舉者令知縣教官出具印結該督撫查實奏聞朕因廣攬人材舉此曠典所以黜浮華而資實用州縣教職等官爲一方師長選賢

薦能乃其專責倘敢有輕忽之心虛應故事濫舉非人者定照溺職例革職若或徇情受賄則又加倍治罪八旗之滿洲蒙古漢軍亦照此例將人品端方通曉漢文者著該佐領各舉一人如不得其人之佐領亦具印結令該都統彙齊奏聞請旨庶使潛修篤行之士得以表見而國家亦收得人之效矣特諭

諭禮義廉恥辨

上諭近因考試新科進士以宋儒所云士人當有禮義廉恥句爲論題諸進士試卷進呈朕躬自披覽見其文

藝之工拙優劣固有不同然大槩皆詞章記誦之常談見解卑淺識量狹隘未能真知題中之理蘊而實有發明蓋所言止於儀文末節而已非禮義廉恥之大者也朕則謂古人言禮義廉恥國之四維者蓋以天下之大四海之衆皆範圍其中而不可須臾離而士人貴有禮義廉恥之說所指甚遠所包甚宏上之爲人君下之爲人臣皆當求其大者以爲務而不可屬於儀文末節之間也以禮言之如化民成俗立教明倫使天下之人爲臣者皆知忠爲子者皆知孝此禮之大者也進退周旋

俯仰揖讓此禮之小者也以義言之如開誠布公蕩平正直使天下之人無黨無偏和衷共濟此義之大者也然諾不欺出入必謹此義之小者也以廉恥言之理財制用崇儉務本使天下之人家給人足路不拾遺盜賊不生爭訟不作貪官污吏無以自容此廉之大者也箠食豆羹一介不取此廉之小者也至於恥言之爲人君者憲天出治誠和萬民則當以一夫不獲其所爲恥爲人臣者行義達道兼善天下則當以其君之不爲堯舜爲恥若夫迂拘曲謹如鄉黨自好之類不失言於人不

失色於人此乃知恥之小者耳曾何足以盡有恥之道乎欲爲君盡君道欲爲臣盡臣道而其道曾不外禮義廉恥之四端士人者必當以天下爲己任其身卽爲臣之身而有致君之責者豈可徒知禮義廉恥之小節而不知禮義廉恥之大者乎夫禮義廉恥由一端之小者擴而克之皆可以保四海然必知其大者而務之自可不遺於其小若或徒窺小節而不知其大則迂拘曲謹止圖檢束一身而不敢任天下之重此則細民之行而非士人之道也孔子曰人能宏道非道宏人其可不勉

白奮立乎朕引見新科進士之時卽欲面加訓諭因天氣炎熱恐伊等暫時跪聽不能悉心領會今特詳爲宣示朕願與大小諸臣交相儆勉詳思禮義廉恥之大者身體力行則人心風俗蒸蒸日上而唐虞三代之治庶幾其可復見也特諭

雍正六年

諭人子毋毀傷肢體

上諭覽福建巡撫常賚奏稱羅源縣孝子李盛山割肝救其母病母病愈後李盛山傷重身故請加旌表部議

以割肝乃小民輕生愚孝向無旌表之例應不准行朕念割肝療疾事雖不經而其迫切救母之心實難得而可憫已加恩准其旌表矣嘗讀韓愈之文曰母疾則止於烹和藥石以爲事未聞毀傷肢體以爲養苟不傷於義則聖賢當先衆而爲之矣又讀朱子書曰割股固自不是若誠心爲之不求人知亦庶幾今乃有以此要譽者是先儒論及此者屢矣本朝順治年間定例割股或致傷生臥冰或致凍死恐民倣倣不准旌表伏思我

世祖皇帝

藝文

宸翰

聖祖皇帝臨御萬方立教明倫與人爲善而於此例慎予旌表者誠乃天地好生之盛心聖人覺世之至道視人命爲至重不可以愚昧而誤戕念孝道爲至宏不可以毀傷爲正理立法垂訓實有深意存焉但向來地方有司未嘗以聖賢經常之道與國家愛養之心明白曉諭開導編氓是以愚夫愚婦救親而捐軀殉夫而殞命者往往有之既有其事若不予以旌恐無以彰其苦志而慰其幽魂所以數十年來雖定不予旌表之例而仍許其奏聞且有邀恩於常格之外者仰見

聖祖皇帝哀矜下民之

聖心固如是之周詳而委曲也孝經口身體髮膚受之父母不敢毀傷孝之始也孟子曰事孰爲大事親爲大守孰爲大守身爲大此皆言人子一身乃父母之遺體雖一髮一指不可偶有虧損以傷父母之所貽也孔子曰父母惟其疾之憂蓋父母愛子之心無所不至偶有疾病尙以惟憂設有不肖忤逆之子父母且怒而矜之其純孝之子而父母之憐愛又當如何也豈有以己身患病之故割其子之肝肉充飲饌而和湯藥其父母之

心斷無不驚憂慘惕不安之理也若因此而至於傷生
 又豈父母所忍聞者乎夫父母有疾固人子所當盡心
 竭力之時而孝道多端實不容効命捐軀於一節孔子
 曰生事之以禮死葬之以禮祭之以禮是人生孺慕之
 誠原通百年而無間者也人子一身承先啟後負荷甚
 鉅若舍身殞命於倉卒之間而忘宗祀繼續之重恐非
 所以為孝也况人子於親本乎天性倘能盡至誠純孝
 之實則親病雖篤呼籲請禱力省一身之過誓願為一
 正人如此必能感天地動鬼神何須割肝剖股以為回

生之良劑乎家庭之行惟在至誠至敬善體親心不必
 以驚世駭俗之為著奇於日用倫常之外也至若婦人
 從一之義醮而不改乃天下之正道而其間節婦亦有
 不同者烈婦以死殉夫慷慨相從於地下固為人所難
 能然烈婦難節婦尤難蓋從死者取決於一時而守貞
 者必歷夫永久從死者致命而遂已而守貞者備嘗其
 艱難且烈婦之殉節捐軀其間情事亦有不同者或迫
 於貧窶而寡自全之計或出於憤激而不暇為日後之
 思不知夫亡之後婦職之當盡者更多上有翁姑則當

奉養以代爲子之道下有後嗣且當教育以代爲父之道他如修治蘋蘩經理家業其車難以悉數安得以一死畢其責乎是以節婦之旌表載在典章而烈婦不在定例之內者誠以烈婦捐生與割肝割股之愚孝其事相類假若做做者多則戕生者衆爲上者之所不忍也向來未曾通行曉諭朕今特頒諭旨著地方有司廣爲宣布務期僻壤荒村家喻戶曉俾愚民咸知孝子節婦之自有常道可行而保全生命之爲正理則倫常之地皆合中庸不負國家教養於全之德矣倘訓諭之後仍有不愛軀命蹈于危亡者朕亦不樂加旌表以戒閭閻激烈之風長愚民輕生之習思之思之特諭

雍正十三年

令實報收成分數

上諭洪範庶徵凡雨暘之愆和關人事之得失所以著感應之理使修人事然水旱之災雖堯湯不能免惟有勤恤民隱竭力補救可以化災沴而成太和總在積至誠以昭假不可萌一念之欺罔也督撫身任封疆重寄奏報收成分數乃關係地方民命必確實無欺始得議

行蠲賑以甦民困朕平日畱心此事見各省陳報收成
分數或有只據一方豐收數目爲定雨水過多之處以
高阜所收爲準亢旱時有之年以低下所獲爲準並不
分析某處豐收某處歉獲其意祇圖粉飾以邀感召和
氣之名而不知卽此一念欺罔已爲獲罪于君獲罪于
民而獲罪于天矣朕豈肯姑貸此等督撫以爲民害耶
嗣後務各警省所奏報各地方收穫分數不得絲毫假
飾以干重戾特諭

勅州縣力查賭博

上諭民間惡習無過於博戲有或陷溺于其中則子弟
欺其父兄奴僕背其家主逃人盜賊之源鮮不由此又
有市井奸宄三五爲羣聚黨鬪狠爲患于鄉里或強爭
市肆或凌挾富人朝懼官法夕復逞兇其惡不減于劫
盜至於牛爲農事之本民賴以生故惟

郊壇

宗廟

社稷

嶽瀆之重乃用太牢而愚民妄肆宰屠賤于羊豕悖莫

甚焉是以

皇考蒞政之初而用爲大禁嚴飭百吏訪緝奸克造賭具者有刑屠耕牛者有罰執法不移由是鬪狠醜博之莠民屏息而不敢出內則五城衢巷市竊之賊日稀外則商旅恬安宵行野宿少逢劫盜田疇益治井里晏眠摩以歲月乃克致此朕承百度肅清之後故庶政皆從寬大雖中外吏民蒸然向化遷善遠罪而不自知然所恤者雋災所育者善良非謂怙終而不悛者舉可縱釋也近聞奸民倡爲流言以惑衆志詭曰步軍統領緝獲賭

博已經奏聞朕置而不問又云屠牛之禁亦開昔周公立造言之刑重罷民之罰謂非此不足以定民志而成道化也勅下步軍統領暨五城御史密訪嚴緝造爲此言者以正典刑各直省州縣有不能治其境內而犯此三者該督撫卽時參究其或失察朕亦不能爲大吏寬昔

皇考立法之初多方鼓舞故告發賭博隸民加賞有司議敘而奉行失宜間或有生事以自爲功者自今以往其各宜實心查禁若不能禁賭博及造賭具者必以不職

罪之打降及屠牛亦然惡萌復生將墮

皇考已成之治化朕滋懼焉爾諸臣其共凜之特諭

乾隆元年

高宗純皇帝

嚴禁四惡

上諭朕聞奸宄不鋤不可以安善良風俗不正不可以興教化閭閻之大惡有四一曰盜賊三代聖王所不待教而誅者也二曰賭博干犯功令貽害父兄以視周官之罷民未麗于法而繫諸嘉石收之國士者罪有甚矣

三曰打架卽周公所謂亂民孟子所謂賊民也四曰娼妓則自周以前人類中未嘗有此四惡者劫人之財戕人之命傷人之肢體破人之家敗人之德爲善之害者莫大於此是以我

皇考愛民之深憂民之切申嚴究禁戒飭守土之官法在必行日夜捕緝積歲月之久然後道路少响馬及老瓜賊而商旅以寧賭博及造賭具者漸次改業而家室以安聚黨打架者斂跡而城市鄉鎮鮮聞鬪鬩娼妓遠藏不敢淹畱於客店此

皇老十有三年政教精神所貫注而海內臣民顯見其功效實享其樂利者也朕自嗣位以來蠲免租賦鑿除賠累裁革積弊增廣赦條無非惠保良民使得從容休息衣食滋植無識諸臣誤謂朕一切寬容不事稽查以致大小官吏日既縱弛民間訛言諸禁以開風聞直省四惡皆微露其端倪卽如天津一帶私鹽橫行無忌恐其他類此者相繼而起是守土之官敢悖

世宗憲皇帝之明旨墮十有三年之成功而戕賊善良傷風敗俗也自後州縣官有政令廢弛使四惡復行于境

內者該督撫不時訪察卽行嚴叅督撫司道郡守有不能董率州縣殫心捕治者或被內外臣工核實列叅或朕訪聞得知必以溺職治罪與苞苴受賄賂等決不輕貸爾諸臣慎毋泄泄沓沓自取咎戒之戒之特諭

乾隆二年

令州縣巡歷鄉村

上諭天下親民之官莫如州縣州縣之事莫切于勤察民生而務教養之實政夫所謂知州知縣者欲其周知一州一縣之庶務悉心經理四境卽其一家精神必須

貫注有事則在署辦理無事則巡歷鄉村所至之處詢
民疾苦課民農桑宣布教化崇本抑末善良者加以獎
勵頑梗者予以戒懲遇有爭鬪細事就地剖斷以省差
拘守候之苦烟戶牌甲隨便抽查使不敢玩法容隱鄉
愚無知則面加開導庶幾上下之情通達無阻爾休戚
相關親愛之誠油然而生而捉搦易人如此從容歲月
始可收循良之實效不愧爲民父母之稱乃今之州縣
有司祇以簿書爲事平日安坐衙署除相驗人命因公
踏勘外足跡不至鄉間以故鄉民非有事匍匐公庭日

不覩官長之面耳不聞官長之訓無論窮簷疾苦未能
周知卽四境情形亦茫然莫曉胥役約保等蒙蔽之弊
因之以起顧名思義親民之謂何而情誼睽隔如此也
九州縣所管地方大率不過百餘里最廣者二三百里
周遍巡歷爲時亦不甚多卽事繁之處亦未必朝朝聽
訟日日比糧果能精勤勿怠斷不至於經理無暇遂置
閭閻于膜外也至于農田之事尤爲養民之要務春耕
秋斂之時各宜下鄉察其勤惰稽其豐歉倘有應先事
圖維臨時酌辦者悉心計議申詳上司定議舉行但往

來鄉村必須輕騎減從絲毫不擾里民方為有益若失
于覺察以致書吏鄉保及跟隨人役等借端生事擾累
百姓則較之耽逸偷安端居不出者其過為更大朕必
加以嚴譴著各省督撫遵朕旨董率有司實力奉行務
使官民上下情意流通聯為一體以副朕教養斯民之
至意特諭

加孤貧口糧

上諭直省設立養濟院收養孤貧月給銀米計口授食
俾官主其事吏胥無得中飽法至周也但聞州縣舊例

和發孤貧口糧遇小建不加遇閏月不加試思鰥寡孤
獨疾病殘廢之眾既無營生又非乞丐若年歲遇月一
月無糧其何以存活着該部通行直省督撫嗣後孤貧
口糧皆計口給發小建可扣閏月糧應加使均霑實惠
欽此

乾隆三年

嚴加耗

上諭朕聞江南州縣徵收錢糧有加增火耗之處可傳
諭那蘇圖許咨等嚴查闔屬如果有劣員暗地加耗立

卽題祭治罪以爲殃民肥己之戒但以朕所聞江南知此恐別省亦有此風不急爲查禁則貽害百姓將不可言朕御以來政崇寬大而人心澆薄漸啟玩縱之端以爲不妨稍有假借不知所謂寬大者乃愛養良民俾無失所求盡父母斯民之道耳非謂舉殘暴害民之輩而悉寬之也卽如蠲租稅以裕物力減重賦以恤民艱水旱漏災立卽賑恤雨暘愆候先事綢繆無一不爲民生起見至如官吏處分之從寬者非其心有可原則才尙可用刑章議罪之從寬者非其情原可憫亦必時

在可疑若謂貪官污吏一切包容惡棍奸民槩從釋宥以示寬大是滋稂莠而妨嘉穀縱虎狼以賊生靈殘忍酷虐無過於此尙何寬大之有前後屢頒諭旨至爲痛切而尙誤以玩縱爲寬大是非誤會朕意直任意行私廢脂膏而肥囊橐乃國法之必不可宥者矣從前火耗未經提解州縣恣意橫徵飽其饕壑苦累百姓是以

皇考允各省督撫提解火耗之請而優給各官養廉令不得額外巧取所以懲貪風而紓民力用意誠善卽養廉稍薄之州縣當時亦必就其所辦事務酌予足用該員

諒入爲出自無不敷何得暗加重耗刻剝小民以爲自潤之計情罪至爲可惡該督撫不時體訪如有不肖州縣于應收火耗外絲毫加重者立即題參嚴行治罪如不行覺察經朕訪聞確實必將該督撫一并嚴加議處斷不姑寬欽此

乾隆四十一年

諭免征

上諭年來征勦金川軍糧等項皆官爲辦給而負任運供不免稍資民力川省百姓踴躍急公甚屬可嘉業已

疊次加恩將乾隆四十一年以前應徵錢糧特令該督等查明分別分數酌免茲金川全境蕩平逆酋弟兄及助惡頭人悉就擒獲紅旗報捷大勲告歲用是廣施恩以昭優恤著該督文綬將川省節年應徵緩帶錢糧查明承辦運務地方就其出力輕重差務繁簡分別妥酌或全行蠲免或量分數蠲免之處詳細核定計將軍阿桂此時尙未起程並著會同查辦迅速奏聞候朕特普渥恩用副嘉惠勞民至意欽此

乾隆四十二年

諭免征

上諭前因

聖母萬壽特鴻錫類之仁普蠲各直省錢糧以昭慶惠朕本欲俟恭祝

聖母九旬萬壽之年再普恩施一次茲者

仙馭升遐此後更無可推廣

慈仁之處現在部庫帑項又積至七千餘萬著再加恩自戊戌年爲始普蠲天下錢糧仍分三年輸免俾寰宇億兆人民仍得共被

慈恩永申感慕而朕終天罔極之忱雖不能仰酬萬一庶幾藉茲稍展其如何輸派年分著戶部卽速悉心核奏遵行欽此

嘉慶六年

御製邪教說

仁育義正

先聖王以道德仁義禮樂政刑裁成輔相化育萬方使民日趨於正道恐爲邪說所惑也自二氏行於中國始有釋教道教之名因其說亦皆吾儒所撰大旨亦精微

元妙勸人爲善戒人爲惡輔翼王化無大差謬是以聖
帝明王姑存此類不加沙汰至於白蓮教之始則爲騙
錢惑衆假燒香治病爲名竊佛經仙籙之語衣服與齊
民無異又無寺宇住持所聚之人皆失業無賴之輩所
以必流爲盜賊是又僧道之不若矣然天下之大何所
不有苟能安靜奉法卽燒香治病原有惻怛之仁心在
朝政之所不禁若借此聚衆弄兵漸成叛逆之大案則
王法之所不容故查拏之始原因謀逆之一二人如劉
松宋之清劉之協首犯耳劉松宋之清皆已伏法並未

株連而劉之協自扶溝脫逃所緝者仍此一犯而地方
官有奉行不善者有苛求圖利者胥役衙書四出滋擾
閭閻無賴借事吹求將正犯反置於不問妄拏無辜名
曰欲辦白蓮教以致羣起於襄陽由豫入陝而川省達
州徐添德王三槐亦乘時蠢動互相勾結自此遂東奔
西竄疲我官兵害我良民傷心慘目實難備書現今賊
營中非盡教匪也亂民乘勢圖劫掠耳夫官軍所誅者
叛逆也未習教而抗拒者殺無赦習教而在家持誦者
原無罪也卽如劉之協雖爲白蓮教教首其未謀逆以

前若俯首就擒其罪僅止發遣耳脫逃後至湖北糾約姚齊二逆併同教人等定於辰年辰月辰日辰時起事是眞叛逆斷不可赦矣起事後伊又潛住豫省漏網七年之久若從此安靜匿藏原可倖免孰意又糾約李傑等由寶邨起事此由罪大惡盈天神共憤使之自投法網得正憲章豈人力哉故白蓮教與叛逆不同乃顯而易見之理設若賊營中有一二僧道豈盡行沙汰二氏乎有一二生員豈遂廢科舉之典乎然則白蓮教爲逆者法在必誅未謀逆之白蓮教豈忍盡行勦洗耶白蓮

教與叛逆不同之理既明則五年以來所辦理者一叛逆大案也非欲除邪教也然聚衆斂錢終流爲不靖是在良有司實心訓導宣揚正學漸仁摩義蹈矩循規化其暴戾易俗移風庶幾世臻小康民安本業朕實有厚望焉

御製慎刑論

天道好生然不能專以春溫而成歲必有秋收以濟之聖王尙德然不能專用寬柔以治世必設律例以齊之得情勿喜原屬不得已之苦心若鍛鍊羅織斯流爲殘

忍暴戾相去愈遠矣世道人心變幻詐僞竟有出於律
例之外者必求一至當不易務使生者無憾死者釋恨
兩得其平惟視其自取勿以己意重輕曲直自在應令
一死不能復生可不慎乎刑期無刑辟以止辟保全良
善蕩除邪慝誠仁者之用心也弼教化正風俗皆從慎
刑始所繫豈淺鮮哉酷吏縱欲亂法以濟其貪王法所
必誅出於大不慎也亦有惑於積陰功之見妄談救生
不救死之論是誠見牛未見羊矣被害之人呼號悽慘
反不加憐憫轉惜頑梗之凶徒是欲積陰功殊不知大

損陰功亦不慎之所致也慎之一字爲用刑之大綱豈
可玩視人命逞一時之喜怒以致寬嚴失當則民無所
措手足冤抑不得伸矣從嚴固宜慎從寬亦宜慎也生
者雖可矜死者尤可憫也刑罰不中上干天和水旱災
荒皆由此起可不慎歟近日緝閱各省招冊殫心竭忠
惟求一是勉於慎刑愛惜民命曷敢稍有忽畧乎故著
此論以示法司我君臣同折衷於慎庶幾獄訟淺鮮所
保全者衆矣

唐睿宗太極元年御製孔子贊

猗歟夫子實有聖德其道可遵其儀不忒剛書定禮百
王取則吾豈匏瓜東西南北

宋太祖建隆三年御製孔子贊

王澤下衰文武將墜尼父挺生河海標異祖述堯舜有
德無位哲人其萎鳳鳴不至

宋真宗大中祥符二年御製孔子贊

立言不朽垂教無疆昭然令德偉哉素王人倫之表帝
道之綱厥功茂實其用允臧升中既畢盛典載揚洪名
有赫懿範彌彰

宋徽宗宣和四年御製孔子贊

厥初生民自天有造百世之師立人之道有彝有倫垂
世立教爰集大成千古允蹈乃嚴斯所乃瞻斯宮瞻彼
德容云孰不崇

宋高宗紹興十四年御製孔子贊

大哉宣王斯文在茲帝王之式古今之師志則春秋道
由忠恕賢於堯舜日月共喻惟時載雍戢此武功肅昭
盛儀海宇聿崇

宋理宗紹定三年御製孔子贊

聖哉尼父秉德在躬歷聘列國道大莫容六藝既作文
教肆崇古今日月萬代所宗

宋太祖建隆三年御製顏子贊

生值衰周爵不及魯一簞藜藿陋巷環堵德冠四科名
垂千古沒表萬年遂荒東土

宋高宗紹興十四年御製顏子贊

德行首科顯冠學徒不遷不貳樂道以居食飲甚惡在
陋自如宜稱賢哉豈止不愚

宋理宗紹定三年御製顏子贊

學冠孔門德行科首聞一知十若虛實有樂道簞瓢不
易所守步趨聖人瞠若其後

宋理宗紹定三年御製曾子贊

大孝要道用訓羣生以綱百行以通神明因子侍師答
問成經事親之實代爲儀刑

宋理宗紹定三年御製子思子贊

閑居請膺世業克昌可離非道孜孜立行發揮中庸體
固有常入德樞要治道權衡

宋理宗紹定三年御製孟子贊

道術分裂諸子爲書既極而合篤生真儒詆訶楊墨皇
極是扶較功論德三聖之徒

宋理宗紹定三年御製閔子贊

天經地義孝哉閔騫父母昆弟莫間其言汗君不仕志
氣軒軒復我汶上出處休焉

宋理宗紹定三年御製冉子耕贊

德以充性行以澡身二事在躬日躋而新並驅賢科德
顏與鄰不幸斯疾命也莫伸

宋理宗紹定三年御製冉子雍贊

懿德賢行有一則遵子也履之成性存存駢角有用犁
牛莫論刑政之言惠施元元

宋理宗紹定三年御製宰子贊

辯以飾詐言以致文苟弗執禮宜莫釋紛朽木糞牆置
不足云言語之科煜然有聞

宋理宗紹定三年御製端木子贊

謙德知二器實瑚璉動心幾先孰並其辨一使存魯五
國有變終相其主譽處悠遠

宋理宗紹定三年御製冉子求贊

循吏之要在於有政可使爲宰千室百乘師門育材治心扶性退則進之琢磨之柄

宋理宗紹定三年御製仲子贊

升堂推先千乘惟權陵暴知非委質可賢折獄言簡結纓禮全惡言不耳仲尼賴焉

宋理宗紹定三年御製言子贊

道義正己文學擅科爲宰武城聊以絃歌割雞之試牛刀謂何前言戲耳博約則多

宋理宗紹定三年御製卜子贊

文學之目名重一時爲君子儒作魏侯師不可後禮始可言詩假蓋小嫌聖亦不疵

宋理宗紹定三年御製顓孫子贊

念昔顓孫商德爲鄰學以干祿問以書紳參前倚衡忠信是遵色取行違作戒後人

明嘉靖御製程子四箴註釋

視箴

心兮本虛應物無迹操之有要視爲之則蔽交於前其中則遷制之於外以安其內克已復禮久而誠矣

註曰視聽言動四箴者乃宋儒程頤之所作也程氏說人之生也其性本善後被物欲交攻而此性始有不善視聽言動四者或不能中此乃受病之處居中而制萬事者心也心之所接必由視聽得之視聽之不明不聰則言動皆違天理然視居其首焉程氏凡於視不無被那諸般物色所蔽惟中心安之凡視無不明勿使外物蕩其中常使中制於外可也書云視遠惟明卽此意也要操存之在吾心無有遠邇視之如一辨其是非觀其善惡以吾心之正爲較察

然後可免於昏亂之失矣朕惟人皆以視爲明而人君所視者尤爲要焉果以此爲則深爲益也凡觀其容貌辨其賢否不爲奸巧之所惑庶幾忠佞不得並進用舍不至倒置矣嗚乎慎之

聽箴

人有秉懿本乎天性知誘物化遂亡其正卓彼先覺知止有定閑邪不誠非禮勿聽

註曰此程氏言聽之要說到視聽乃爲出言之機一有或差忠必至矣前言視之之道此言聽之之道夫

人之於視誠能察之然又恐聽之未善也日視之既善耳聽者須盡其善焉可也耳目之間視聽之際均爲要焉若聽之不審則無以知其是非故聽言之際當分別其邪正勿使甘佞之言從入其心心既受之必爲誘惑書云聽德惟聰卽此意也蓋人生之於天具耳目口鼻之體口之與鼻無所禁者惟耳目爲重故以視聽爲戒朕論之曰口與鼻之無所禁乃彼之自然也耳目之於視聽乃彼之不能先覺者也如口之嗜味知其甘辛酸苦嘗之自能別也鼻之嗅物知

其好惡嗅之自能擇也日之於色則愛其艷麗耳之於聲則愛其音律殊不知艷麗音律皆人爲之也所以反受其害口鼻之覺乃賢於耳目也故程氏箴云卓彼先覺知止有定謂既能卓然先覺則自有定向而人君之聽尤當審辨之也書云無稽之言勿聽又云庶頑讒說震驚朕思此皆聽德之要也人君於聽視之間當辨其忠讒而已忠言逆耳近於違我讒言可信近於遜我不能審聽其害豈淺鮮哉但使吾心泰定不爲諂佞之徒所惑則所納者未必不可所屏

者未必不當惟吾心審斷之而已嗚乎慎之

言箴

入心之動因言以宣發禁躁妄內斯靜專矧是樞機興
戎出好吉凶榮辱惟其所召傷易則誕傷煩則支已肆
物忤出悖來違非法不道欽哉訓詞

註曰樞機者譬戶之軸斨之牙也戎是兵戎好是喜
好程子之意說道凡人所言必慎其妄出輕發如斨
之發矢學射者之務求其中焉言易則至於妄誕言
煩則至於支離非聖賢之法言秘而不宣所以告來

世之君子也朕竊自思凡人所言必求其合諸道理
準諸人情然後可以爲言也夫言者身之文也尙書
云惟口啟羞大學云言悖而出者亦悖而入孝經云
非先王之法言不敢道斯之謂也人之於言必加謹
焉而人君之言尤當謹之先儒云王言如絲其出如
綸王言如綸其出如綍人君之發號施令皆言也令
出之善則四海從焉一攻不善則四海違焉故凡出
一言發一令皆當合於天理之公因諸人情之所向
而已若或徒用己之聰明恃其尊大肆意信口不論

事理之得失民情之可悖小則遺當時之患大則致
千百年之禍可不戒畏之哉程氏之作箴其用心也
至矣嗚乎慎之

動箴

哲人知幾誠之於思志士勵行守之於爲順理則裕從
欲惟危這次克念戰兢自持習與性成聖賢同歸

註曰哲人是明哲之人志士有德行之士誠是念之
實守是行之篤禮卽天理欲卽人欲程子說凡人所
動作便不可輕舉妄動審事機可否之如何天理人

欲之所在思其事之巨細爲其所當爲然後動與道
合無有墜失狂躁之病戰兢惕勵如此者惟哲人乃
能之君子可不謹之哉朕因而論曰凡人所動爲當
求合乎道理察其當爲與不當爲精別而行之可也
人君之所動爲尤重焉蓋君者以一身而宰萬事不
可適已之欲與夫聽信讒佞輕舉妄動或恃中國之
強而好征伐或盤遊無度而殘虐百姓凡此類者不
可救舉姑就其大者言之一舉動之間上違天意下
拂民心而敗亡之禍隨之是非可不懼哉程氏之作

箴其用心也至矣嗚乎慎之

范氏心箴

茫茫堪輿俯仰無垠人於其間渺然有身是身之微太倉稊米參爲三才曰惟心耳往古來今孰無此心心爲形役乃獸乃禽惟口耳目手足動靜投間抵隙爲厥心病一心之微衆欲攻之其與存者嗚乎幾希君子存誠克念克敬天君泰然百體從令

註曰堪輿是指天地說無垠是無有界限宋儒范氏浚作心箴說到茫茫然天地廣大無有界限而人居

其中便似太倉中一粒粟米天地這般大人身這般小人與天地參爲三才者非以形體言惟其心耳蓋心爲一身之主若心克正則百體四肢莫不聽其使令若心有一毫不正則被聲色所移物欲所攻便動與理反豈不於人道遠哉故范氏之作箴雖是常言西山真氏特錄於大學衍義之中以獻時君宋君雖未能體察而爲後世告其致意也深其用功也至是予所嘉慕而味念之箴之本作於范氏非真西山發揚其孰能之哉嗚乎念哉

敬一箴 嘉靖五年御製

夫敬者存其心而不忽之謂也元后敬則不失天下諸侯敬則不失國卿大夫敬則不失其家士庶人敬則不失其身禹曰后克艱厥后臣克艱厥臣五子之歌有云予臨兆民如朽索之馭六馬爲人上者柰何不敬其推廣敬之一言可謂明矣一者純乎理而無雜之謂也伊尹曰德惟一動罔不吉德二三動罔不凶其推廣一之一言可謂明矣蓋位爲元后受天付託承天明命作萬邦之君一言

一動一政一命實理亂安危之所係若此心忽而不敬則此德豈能純而不雜哉故必兢兢畏慎於郊禋之時儼神明之鑒享發政臨民端莊戒謹惟恐拂於人情至於獨處之時思我之咎如何改之不吝思我之德如何勉而不懈凡諸事至物來究夫至理惟敬是持惟一是協所以盡爲天之子之職庶不忝厥祖厥親由是九族親之黎民懷之仁澤覃於四海矣朕以冲人纘承丕緒自諒德惟寡昧勉而行之欲盡持已之功以馴至乎一德其先

務又在虛心寡慾驅除邪逸信任耆德爲之匡輔
敷求哲人布列庶位斯可行純王之道以坐致乎
太平雍熙全治也朕因讀書而有得焉乃述此以
自勗云

人有此心萬理咸具體而行之惟德是據敬焉一焉所
當先務匪一弗純匪敬弗聚元后奉天長此萬夫發政
施仁期保鴻圖敬怠純駁應驗頓殊徵諸天人如鼓答
桴朕荷天眷爲民之主德或不類以爲大懼惟敬惟一
執之甚固畏天勤民不遑寧處日敬惟何怠荒必除郊

則恭誠廟嚴步趨肅於明廷慎於閒居省躬察咎儆戒
無虞曰一維何純乎天理弗參以三弗貳以二行顧其
言終如其始靜虛無慾日新不已聖賢法言備見諸經
我其究之擇善必精左右輔弼貴於忠貞我其任之鑒
別必明斯之謂敬斯之謂一君德既修萬邦則正天親
民懷永言厥慶光前垂後絲衍蕃盛茲爾諸侯卿與大
夫以至士庶一遵斯謨至敬協一罔敢或渝以保祿位
以完其軀古有盤銘日擊心警湯敬日躋一德受命朕
爲斯歲拳拳希聖庶幾湯孫底於嘉靖

賦

後漢

德陽殿賦

李尤

開三階而參會錯金銀於兩楹入青陽而窺總章歷戶
 牖之所經連璧組之潤漫雜虬文之蜿蜒爾乃周閣迴
 匝峻樓臨門朱闕巖巖嵯峨概雲青瑣禁門廊廡翼翼
 華蟲詭異密采珍縟達蘭林以西通中方池而特立果
 竹鬱茂以綦綦鴻雁沛裔而來集德陽之北斯曰濯龍
 葡萄安石蔓延蒙籠橘柚含桃甘果成叢文槐曜水光

映煌煌

平樂觀賦

李尤

乃設平樂之顯觀章秘瑋之奇珍習禁武以講捷厭不
 羈之遐鄰徒觀平樂之制鬱崔嵬以離婁赫巖巖其崑
 嶺紛電影以盤盱彌平原之博敞處金商之維陬大厦
 累而鱗次承岩堯之翠樓過洞房之轉闔歷金環之華
 鋪南切洛濱北陵倉山龜池泱泱果林榛榛天馬沛艾
 鬚尾布分爾乃太和隆平萬國肅清殊方重譯絕域造
 庭四表交會抱珍遠并雜還歸詎集於春正翫屈奇之

神怪顯逸才之捷武百僚於時各命所主方曲既設秘
戲連叙追遙俯仰節以鞀鼓戲車高幢馳騁百馬連翩
九仞離合上下或以馳騁覆車顛倒烏獲扛鼎千鈞若
羽吞刃吐火燕躍鳥峙陵高履索躡躍旋舞飛丸跳劍
沸渭回擾巴渝隈一踰肩相受有仙駕雀其形蚺虬騎
驢馳射狐兔驚走侏儒巨人戲謔爲耦禽六鹿駸白象
朱首魚龍曼延嶮嶮山阜龜螭蟾蜍挈琴鼓缶

東觀賦

李尤

敷華實於雍堂集幹質於東觀東觀之藝孳孳洋洋上

一閣下屬周廊步西蕃以徙倚好綠樹之成行歷東
一敞座庇蔽芾之甘棠前望雲臺後匝德陽道無隱
一顯書無闕而不陳覽三代而采宜包郁郁之周文

函谷關賦

李尤

忙皇漢之休烈兮包八極以據中混無外之蕩蕩兮惟
真寬之極崇萬國喜而洞洽兮何天衢以流通襟要約
之險固兮製關鍵以擒戎其南則有蒼梧荔浦灘水謝
沐涯滄零中以窮海陸於北則有蕭居天井壺口石徑
真越代雁以臨朔庭 缺 陽會玉門凌測龍堆於

西則有秦隴武夷江岷白水沔漢涇曲路山泉潏濫
 是經迥周覽以汎觀兮歷衆觀以遊目惟濶闡之顯麗
 兮羌莫盛於函谷施雕礪以作好逮峻傲之堅重殊中
 外以隔別翼巍巍之高崇命尉臣以執鑰統羣類之所
 從嚴固守之猛厲操之鉞而飛蹤藩鎮造而惕息侯伯
 過而震惶惟函谷之初設繫有姬之前畱嘉尹喜之望
 氣知真人之西遊愛物色以遮道爲著書而肯畱自周
 室之東遷秦虎視乎中州文馳齊而懼追譎雞鳴於狗
 偷睢背魏而西遊拖衾禡以免投大漢承弊以建德革

厥舊而重修準令宜以就制因披勢以抒猷蓋惟可以
 詰非苟邪括執咽喉迨夫季末荒戍墮關有年天憫羣
 黎命我聖君稽符皇乾孔適河文中興再受二祖同勳
 永平承緒欽明奉循上羅三關下列九門會萬國之玉
 帛赫言蠻之貢琛冠蓋紛其雲合車馬動而雷奔祭言
 屢以有譏捐襦袴而勿論於以神聖法易簡於乾坤

中興賦

李尤

大學既崇三宮既章靈臺司天羣耀彌光大室崇祀布
 政國陽辟雍巖巖規矩圓方階序牖闥雙觀四張流

湯湯造舟爲梁神聖班德自斯以匡王公羣后鄉士具
集攬異鱗次差池雜選延忠信之純一兮列左右之
璫三石八蕃師尹羣卿加休慶德稱壽上觴藟甫
其儀踴踴是以乾坤所周八極所要夷戎蠻羌俸耳
半重譯響應抱珍來朝南金大璐玉象犀龜

宋

古櫻賦并序

何耕

余承乏成都郡丞官居坊齋之東有櫻樹焉本
太實少其熟猥多鮮紅可愛而苦不可食

亦棄之感而賦此

始余至於官居盼茲樹之特奇榦擁腫以上達條扶疏
而下披陰露并其有餘知封植之幾時或告予以含桃
饒涎而流頤意薦廟之珍果必甘滋之如飴幸一熟
之得嘗指麥秋以爲期忽春事之已晚訝子結之獨遲
初瑣碎以破蕾漸繁籌而著枝聊攀摘以適口乃苦澀
而顰眉類置膽於越國異如薺於風詩謝芳液之津津
空殷紅之纍纍誤來集之衆鳥誰無知之羣兒感人事
之大謬爲累歛而齋咨或名美而實乖或表盛而裏虧

或色厲而內荏或迹公而清私鷲翰假於鳳鳴羊質混於虎皮佞似聖以疇測姦託儒而莫窺莽恭儉以竊國卯博辯以漏口談仁義其可樂視所履而乖馳儼衣冠於民上為賈豎之不為方滔滔以皆是奚一木之足悲

詩

唐

西湖既成作

房

瑄

次律

高流纏峻隅城下緬邱墟決渠信浩蕩潭島成江湖結宇依迴渚水中信可居三伏氣不蒸四達身自徂同人

千里駕鄰國五馬車月出共登舟風生隨所如舉麾指極浦欲極更盤紆繚繞多宛折夜靜情有餘遭亂意不開即理還暫袪安得長晤語使我憂更除

舟前小鵝兒

原注漢州西北角官池作

杜甫

子美

鵝兒真似酒對酒愛新鵝引頸噴船逼無行亂眼多起開遭宿雨六小困滄波容散層城暮狐狸柰若何

漢川王大錄事宅作

見郭知達本按成都無漢川之名當是廣德元年漢州作

杜甫

南溪老病客相見下肩輿近髮看烏帽催葺煮白魚宅

中平岸水身外滿牀書憶爾才名叔含悽意有餘

陪王漢州留杜鵑州之房公西湖 杜甫

舊相思追處春池賞不稀闕庭分未到舟楫有光輝
或化尊絲熟刀鳴膾縷飛使君雙阜蓋灘淺正相依

得房公池鵝 杜甫

房相西池鵝一羣眠沙泛浦白於雲鳳凰池上應回首
為報箠隨王右軍

答楊梓州 杜甫杜詩詳注編在漢州詩內

悶到房公池上頭坐逢楊子鎮東州卻向清溪不相見

迴船應載阿戎遊

官池春雁二首 杜甫詳注官池即城西池

自古稻梁多不足至今鴻鴻亂為羣且休悵望看春水

要恐歸飛隔暮雲

寄陽易盡急還鄉紫塞寧論尙有霜翅在雲天終不

力微繪綵絕須防

嚴君平卜肆 岑參

君平曾賣卜卜肆荒已久至今杖頭錢時時地上有不
知支機石還在人間否

海州志 卷三十三
廢君平

李白

青華

君平既棄世世亦棄君平
觀變窮大易探元化羣生
冥冥道論空簾閉幽情
曠虛不虛來鸞鷲有時
鳴安知天漢上白日懸
高名海客去已久誰人
測沉冥

月夕遊房太尉西湖

李德裕

丞相鳴琴地何年開玉徽

房公以好琴聞於海內

偶因明月夕重

敞故樓扉桃李蹊空在芙蓉客暫依誰憐濟川楫長與夜舟歸

晚日臨寒渚微風發櫂謳鳳池波自閱魚水運難留

古思宏棟川長憶夜舟想公高世志祕似冶城遊

重題房公西湖

李德裕

帶對烟波夕猶思棟宇精臥龍空有處馴鳥獨忘情
顧步襟期遠參差物象橫自宜雕藥石爽氣際青城
林端落照盡湖上遠風清水榭芝蘭空仙舟魚鳥情人
琴久寂寞烟月似平生一泛釣璜處再吟鏘玉聲

房公舊竹亭聞琴緬慕風流神期如在因重題此

李德裕

流水音長在青霞意不傳獨悲形解後誰聽廣陵絃

和李文饒月夕遊房太尉西湖之作

劉禹錫

太尉留琴地時移重可尋
徽絃一偃仰風月助登臨
榮駐清池騎高張白雪音
祇言酬唱美良使記王箴

和李文饒重題房公西湖

劉禹錫

木落漢州夜西湖懸玉鉤
旌旗還夜次舟楫泛中流
日極想前事神交如舊遊
瑤琴人已絕松韻自悲秋

和李文饒房公舊竹亭聞琴

劉禹錫

竹有松間露永無
碁下塵一聞流水曲
重憶嶺霞人

前題

鄭一泮

石室寒飈警
孫枝雅器裁
坐東山水操
絃斷弔餘哀

題漢州西湖

嚴公弼

西湖創置自房公
心匠縱橫造化同
見說鳳池推獨步
高明何事滯川中

遊房公西湖

嚴公貺

鳳池才未盡餘思
鑿西湖珍木羅修岸
冰光映坐隅
琴亭今寂寞
竹島尙縈紆
猶蘊濟川志
芳名終不渝

漢州

韋莊

漢州志 卷三十三 詩 二百八十四
北儂初到漢州城郭邑樓臺觸目驚松樹影中旌旆色
菱荷風裏管絃聲人心不似經離亂時運還應享太平
十日醉眠金雁驛臨歧無限臉波橫

遊房公西湖

薛能

西湖天下名可以濯吾纓况是攜家賞何妨半驛程嘗
茶春味渴斷酒晚懷清盡得幽人趣猶嫌守吏迎

登漢州城樓

吳融

雨餘秋色拂孤城遠目凝時萬象清疊翠北來千嶂盡
漫流東去一江平從軍固有荊州樂懷古能無峴首情

欲下闌干一迴首鳥歸帆沒戍烟明

宋

送何濟川

涉知漢州二首

司馬光

君實

金馬從容樂問君何所之容心影若梗視髮鬢如絲舊
學已孤陋素交仍別離執經時有問使我復從誰
千騎擁朱轡青霞畫繡還復尋題柱迹重過棄繻關曉
棧流雲濕秋湖脫葉殷久遊今得意真不愧江山

漢州王氏林亭

文同

短笏疎離入野扃竹煙松露滿襟清奔湍激險飛寒響

漢州志 卷三十三 二百九十五
弱蔓穿深挂短英惜去更觀曾畫壁記來重注舊題名
門前便是紅塵道誰肯同過洗俗纓

晚次江上

文同

宛轉下江岸霜風繞人衣翩翩渚鴻壓閃閃林鴉歸前
壑已重靄遠峯猶落暉孤舟欲何向擘浪去如飛
玉峯園避暑值雨

文同

南園避中伏意適晚忘歸牆外谷雲起簷前山雨飛興
饒思秉燭坐久欲添衣爲愛東巖下泉聲通翠微

遊連山湧泉觀

文同

謝公攜妓入東山我愛燒丹道士閒故引笙歌訪仙境
相將醉劖白雲間

州城東北有溪山引我來因政事閒同倚蕭臺望斜日
尹塵埃處是人間

織婦怨

文同

擲梭兩手倦踏籥兩足趺三日不住織一匹纔可翦織
處畏風日翦時審刀尺皆言邊幅好自愛經緯密昨朝
持入庫何事監官怒大字雕印文濃水油墨汗父母抱
歸舍拋下中門下相看各無語淚迸若傾瀉質錢解衣

服買絲添上軸不敢輒下機連宵燃火燭當須了和賦
豈暇恤襦袴前知寒切骨甘心扇盪露里胥踞門限叫
罵嗔納晚安得織婦心變作監官眼

題房公湖

文同

頃清波四面平宛然唐相舊經營高秋林木形容老
落日樓臺絲繪明有景可尋蘭楫遠無幽不入竹橋橫
一年所得官居樂肯厭頻來緩帶行

題王伯敷所藏趙昌花四首

蘇軾
子瞻

梅花

南行渡關山沙水清練練行人已愁絕日暮集微霰慙
慙小梅花彷彿吳姬面暗香隨我去回首驚千片至今
開畫圖老眼淒欲眩幽懷不可寫歸夢君家倩

黃葵

蘇軾

窮質因夏永奇姿蘇曉涼低昂黃金杯照曜日初光檀
心紫成暈翠葉森有芒古來寫生人妙絕誰似昌晨粧
真午醉真態含陰陽君看此花枝中有風露香

芙蓉

蘇軾

清颺已拂林積水漸收潦溪邊野芙蓉花水相媚好坐

看池靜獨伴霜菊
橋幽姿獨一笑暮景迫摧倒
淒涼似貧女晚嫁驚衰早
誰寫少年容樵人劍南老

山茶

蘇軾

蕭蕭南山松黃葉隕勁風誰憐
兒女花散入冰壺傳歲寒姿
古來惟邱翁圖畫見聞志邱
畫品降趙高輩後改名潛

叟得其妙一洗膠粉空掌甲
調丹砂染此鶴頂紅何須
誇落墨獨賞江南工

送周朝議守漢州名表

蘇軾

茶為西南病岷俗記二李自注謂杞
與稷也何人折其鋒矯矯

六君子自注謂思道與姪正儒張永
徽吳醇翁李元鈞宋文輔也君家尤出力流落

初坐此謂當收桑榆華髮看劍履胡為犯雨雪歲晚

未已念歸誠得計顧白為謀耳吾聞江漢間瘡痍有土

起莫輕龔遂老君王附尺箠召還堂有詔挽袖謝鄰

猶堪作水衡供張園林美

房公亭榭

蘇轍子

酒壓鄰筒憶舊酤花傳五老出新圖此行真勝成都

直為房公百里湖

黃仲秉轉運作楚翠亭仲秉
州人

張栻

維衡屹南康作鎮自開闢蟠根結地厚面勢倚空碧
隨數州境高下相接迹麓山乃其趾神秀固未極定工
十里城處處見山色知誰長在眼嗟此塵中客觀風若
獨暇延納到几席得句恍忘言寄興渺今昔自君之東
來民瘼極探索仁言徹九關寧懼虎豹厄諏諮遍南帝
民胞吾則瘠築亭一舒嘯逮此百憂隙看山尚不愧
几亦聊適寄與後來者此意當無斁

止月強半梅猶未開黃仲秉作詩嘲之久韻

張栻

孤芳未分落人間故向東風小作難
底莫容蜂蝶食好畱明月趁春寒

水邊疎影幾人知尙喜詩翁到未遲
正得尋花心去年曾滅上林枝

平遠便君出守廣漢始獲傾蓋諸官賦詩贈別某
廣漢人也故章未及之

張栻

半生落南州分與岷峨疎
藹來荆江上所忻近鄉閭吾
鄉多雋豪雜選來舟車時從說情話頗覺中懷舒
中間識胡公粹美真璠璣心遠氣自靜語簡意有餘
向來志

推轂入校中祕書名場萬夫立人亟我則徐拳拳抱忠
 愛百慮纔一攄白雲纔在望思親惜居諸乞州枌榆邊
 政以便版輿同舍挽不住清風扶歸裾觀君進退間此
 豈為名譽春帆肯小駐論交長慰予愛君秉質高且復
 富蓄儲任重則道遠願言勿踟躕吾必得良牧父老相
 樂胥我亦有一塵徑思歸荷鋤

房公湖

王之望

金雁橋南一頃湖房公遺跡未湮蕪人遊杜牧晚晴賦
 鏡對上維別墅圖經始園林心自巧折衝廊廟術何迂

當時肯作幽人計畱得陳濤四萬夫

題西門外笮橋下觀音院

仲昂

雨砌風亭長綠苔壁間題字半塵埃城南蕭寺無人跡
 幾度曾因送客來

送文與可通判邛州

范鎮 華陽人

半刺為官美臨邛自古名何言緹軾寵要待版輿行仙
 籍新年貴賓僚舊日榮壺漿故父老應在半途迎

蜀酒歌

陸游 放翁山陰

漢州鵝黃鸞鳳雛不鷲不搏德有餘眉州玻璃天馬駒

出門已無萬里塗病夫少年夢清都會賜虛皇碧淋沙
 文德殿門展奏書歸局黃封羅伯壺十年流落狂不吟
 遍走人間尋酒鑪青絲玉瓶到處沽鵝黃玻璃一滴無
 安得豪士致連車倒瓶不用盃與孟琵琶如雷聒坐聞
 不愁渴死老相知

遊漢州西湖

陸游

房公一跌叢衆毀八年漢州爲刺史繞城鑿湖一百頃
 島嶼曲折三四里小巷靜院穿竹入危榭飛樓壓城起
 空濛烟雨媚松楠顛倒風霜老葭葦日月苦長身苦閑

萬事不理看湖水向來愛琴雖一癖觀過自足知夫予
 畫船載酒凌湖光想公樂飲千萬觴歎息風流今未泯
 兩川名醞避鵝黃

白漢州之金堂過沈氏竹園坐間小憩微雨

陸游

條條萬竹壓康莊碧玉椽圍一尺強雪節烟梢誰解賞
 馬蹄車轍可憐忙帽邊忽墮吹香句肘後舊傳醫俗方
 更覺清遊天所惜坐來飛雨度橫塘

自廣漢歸宿十八里草市

小菴注疑卽今
馬家店以東也

陸游

月黑叩店門燈青坐牀簀飯籩雜沙土菜瘦等草棘
然均一飽未覺異玉食我豈兒女舌口腹爲怨德古人
恥懷祿不仕當力穡從今扶犁手終老謝翰墨

久不得張漢州書

陸游

儘道三巴遠那無一紙書衰遲自難記不是故人疎

九月十日如漢州小獵於新都彌牟間投宿民間

陸游

適從邛州歸又作漢州去天低慘欲雪遊子悲歲暮十

年辭京國匹馬厭道路野火爰高岡江雲暗空戍角鳴
寒始勁霜鶻饑更怒邂逅成小獵尺箠聊指呼北連武
侯祠南並稚子墓合圍蹙窮鹿設伏截狡兔壯哉帶箭
雉耿介死不顧吾寧暴天物戰法因得寓黃昏過民家
休馬燎裘袴割鮮盛燔炙毛血灑庭戶老姥亦復奇汎
掃邀我駐丈夫倘未死千金酬此遇

嚴君平卜臺

陸游

先生久已蛻氛埃道上猶傳舊卜臺乞得寒泉濯肝肺
眞成萬里不虛來

東村散步有懷張漢州

陸游

扶杖村東路秋來始此回
寒鴉盤陣起野菊臥枝開
憂國丹心折懷人雪鬢催
房公八千里那得尺書來

思蜀 二首錄一

陸游

蜀莊鳴飛隘九區超然豈止山
澤癯荒臺古井無處所
行子但覓房公湖

和宇文漢州乞房湖樓記詩

魏了翁

房公胸中妙刀尺翦刻玻璃貯
寒碧今侯着樓於湖上
竹色荷光得良覲詩來殷勤問
故侯別日雖賒情轉密

因思當年飛蓋遊鷗鷺不驚潛
鯉出春濃雪桀人影亂
秋老雲松半天屹况今簷椽與
雲齊激楚高歌友朋集
欲搜萬家供刻畫自有此湖難
此筆

嚴真

宋 祁

君不見莊遵賣卜成都市市中
仙隱無人值百錢度日
復何求猶有沉冥見文字不
因問著牛女星下世安能
知姓名雲中雞犬拔家去舊宅
寂寞榛蕪平支機石在
年年長蘂鼎空畱閉黃壤前
時發掘篆籀新明水神丹
空滉漾金雁橋邊臺觀存
神仙遺事渺難論安得先生

漢州志

卷三十三

藝文 詩

卒

三百五

爲我卜谷肯庶可覓天淵

遊梅林分韻得酒字

宇文師獻

平生慕英游望公眞山斗一見開心誠已落諸人後龍
門豈甄擇大小俱容受聯轡尋勝迹春風倚尊酒惟公
對江梅端若同志友玉色洗塵沙幽姿出藜莠命客花
下坐相與沃醇醲非公無此客譬諸草木臭向晚入深
蒼蒼根倚甕牖始知水西頭臥梅勝臥柳有客三歎息
此樹驚老醜一笑容成癡萬法要經久奇卉如尤物過
眼不必有惠我終日香重來重在否但從此理悟那復

長搔首念公捧召節修名當不朽艤舟未忍去招尋訪
林藪中心甚虛明外慕厭紛糾杖履循古聲細話猶開
誘再拜領公詩一洗芻豢口

題房公湖

轉運使 趙 抃 浙人

廣漢園林蜀所無卻思房相未知吾浙東歸去君恩
乞得蓬萊與鑑湖

遊連山湧泉觀次文與可韻

任道

繚繞澄江面面山使君來與吏民間可堪歸騎臨晴
散盡遊人夕照間

前題

麻臺文

得得朱輪到此山，遲留共愛此幽閑。
人生勝事惟行樂，休問黃梁一爨間。

前題

楊關之

雙旗曉出遠遊山，徧覽幽奇日日閒。
幕下淵雲陪後到，馬蹄歸去月華間。

送張南溟三首

田種祿

有美人兮乘玉槎，乘槎直上天之涯。
秦宮雲鎖三更月，東井星纏五色霞。

公昔騎龍闔闔來，手提北斗下天階。
雲衢種得靈丹種，萬紫千紅次第開。

錦水連天日夜浮，江鳥對對逐仙舟。
舟隨水去人千里，望入長江天際頭。

賦雙流郭信可隱居詩十首

何耕

雲溪

幽居定何如，頗恨未見之。
主人向我言，喜色融雙眉。
修篁流翠陰，寒溪漾清漪。
領畧非一壯，幽妍發餘姿。
空濛雨亦佳，激灑晴更奇。
豈惟二江獨，意恐兩蜀稀。
工人信

妙士得此故所宜天公闕好景授受各有時豈無多口
翁偃蹇遊莫隨素交懷老蒲秀句紛珠璣安得招歸亦
爲君賦清詩往者不可作後生欲何爲

浮翠橋

隔溪蒼翠各西東架竹爲梁路始通缺月罅林凝淨
斷霞明水抹殘紅芒鞋步步幽深處藜杖聲聲屈曲中
回首忽驚橋已遠冷然身御圃田風

寒碧亭

憑欄日日俯清湍洗竹年年斬惡竿十頃琉璃秋色靜

一林竿籟曉聲寒涼風有意生天末明月無邊照水端
誰謂過清難久處愚溪先自不相安

遠色閣

小小樓居著散仙淵明真趣本悠然招呼雲月闌干曲
顧揖江山拄杖前獨鳥倦歸翻落日誰家晨爨起疎烟
根塵應接無畱礙笑殺胡僧面壁禪

假山

空亭幻出小嶙峋假外應須別有真祇恐話頭成有
若爲融攝主和賓

蓮塘

色香無比出西方何物妖狐號六郎手折一枝聊供
前身定是老柴桑

劉遺民爲柴桑令
在遠法師蓮社中

蘭坡

蘭與高人臭味同舍薰聊復待清風紛紛艾母相笑
爾輩敷榮轉眼空

龍洲

門前大江何渺漫昔人飲牛水爲乾水乾龍逝亦其理
近在咫尺聊泥蟠魚蝦玩侮獯獩笑縱有靈怪誰當看

德人問舍厭吾境使爾築室相遮攔坐令異類皆屏伏
時有此耳差少安卻紆朱紱去監郡遺我守舍良獨難
昨來過門恍如夢龍致此語催歸鞍先生不語反不笑
謂我饒舌狂豐干

虛舟

君不見江皋車馬紛相送巨艫峩峩船載重西南使者
解官歸水淺著沙牽不動如君才具豈多得令侍明光
參法從胡爲淺灘著虛舟頗肖胸中太空洞問君此意
竟安在欲說同人誰與共山林鐘鼎本同轍繫岸在江

隨所用八牕窅窅淨無塵一水泠泠清可弄何當抱
過君眠分破江天異幽夢

忘機臺

太虛生微雲機事日夕繁兼忘豈不佳尚有忘者不
首老龐翁妙處希一言請觀臺上月萬古無昭昏

普通山

距府東十數里青州禪師洪杲道場也
龍華歸過之棟宇頽落僧徒斷野良為可惜是夜雨大作因書所聞所見為長韻

何耕

錦城之東山培嶮突起伽藍壓山口入門氣象頗不凡

在昔規模定非苟黃絹碑詞著眼看

侯蒲作碑記本末甚詳

青州

老衲知名久自披榛徑結茅屋不翦霜鬢散蓬首市門

有女奉巾盥衣被無花生穢垢

府媚道玉從師落髮人或謂鶴鶴為連點七有問師

竟無

至今一轉鶴鶴語

者云如何是連七師云屈指數

不及地下無

蹤跡故云散作四方獅子吼祖燈寂寞何人繼率堵

岩堯惟鬼守法席草長深沒膝僧榻屋穿光見斗似

占籍多衍沃

此山寺常住田聞亦不薄

合選名緇振頽朽我來不

三歎息眼底盡空諸所有自開麤席掃塵全聊寄閒

憩奢才夢回中夜雨鳴檐臥聽東風寒入牖明朝散

轉山脊好雨相呼聞夜叟抽芒已見交翻浪搗麪懸

香滿手須知日影散
林樾絢練春光被
花柳僕夫催
屢不應景物殊佳
寧忍負出山騎馬
更躊躇乘興應石
重載酒

青羊宮 按趙閣道成都記載宮乃老子乘青羊降其地今有壺存 何耕

一再官錦城咫尺望琳宮
未始得得來正墜役役中
今朝弄晴雨策蹇隨春風
頗愛意象古停驂少從容
縹緲百尺臺突起凌半空
憑闌俯修竹決背明孤鴻
信哉神仙宅不愛塵垢蒙
稽首五千言衆妙一以通
靜觀萬物復豈假九轉功
區區立訓誥亦晒河上公
癡人慕羽化

心外來鴻濛夏詩白鶴背往訪青羊踪

暇日與以楚材遊四大天王見五髻文殊畫像於
廡下剝落可惜遂以告羅宗約參議遷之正法
禪院俾長老惠公龕而祠之為詩十四韻書其

事 何耕

陳侯招我古寺行破椽老屋頰枝撐丹青巨壁置廡下
大士五髻飄華纓旁風下雨塵土集意象落寞無光晶
近前諦視乃名筆妙手不減本與瓊 成都名畫多張惜南本范瓊之筆
哉此地非所托走卒嘈雜兒童輕函鄰塔廟頗雄偉

天老惠新主盟撞鐘擊鼓飯千指分坐豈無二三楹何
人堪作不請友參謀行解俱圓明從容試以試二士曰
此甚易非難成便從遊戲出三昧各借一臂相扶擎騰
空似赴遠公約散花如入維摩城都人改觀香火肅雨
淚投拜爭傾誠主人更在好看客永爲道伴終生平莫
言有我不須你畱取眉毛遮眼睛

龍華大像蓋冀國夫人所作因成兩絕

何耕

慧性原從戒定薰百花潭水浣僧裙箇中力量真超絕

故老尙傳孃子軍

生男箇箇欲如狼婦女軍中氣不揚試問爭功喚日士

幾人能敵浣花孃

輓絲漢簡諸公

并原注

劉壘

大兵分哨入簡州知州李大全死懷安軍史顯
孫避於簡亦死大兵至漢州通判權州劉當可
與一宗室太保率民兵城守太保出城往羅山
謁賀靖借兵歸過大兵見殺遂破城忿而血洗
焚蕩死者十萬餘家當可與節制邵復知縣羅
由教授袁拱辰知縣羅君父皆遇害知縣州范
辰孫死

絲漢風酸動殺機北來鐵騎遍驅馳幾千里地弓刀運

百萬人冢骨肉糜鬼哭神號無限恨蠅蛄蝻嘍有餘悲
平生食祿何從避畱取香名百世垂

曹將軍

詳忠義門

安如山

將軍精悍姿齒齒碎鐵石在昔童稚中但聞飽經術紛
橫騁柔翰丹雘問金碧有司塞明詔傲邑屈詞伯芹香
春水生尅玉侍重席脫畧章句陋技抉窮理窟未及文
化成其如玉十窄丈夫報主願豈必蒙清秩蒼然請去
位滿百秋栗烈糾合熊虎羣旌旆揚廣陌正當摩厲聞
一鼓拔勅敵屯兵沔水源千里斧截截浩蕩排煙是西

相安如山奈何國無人厲儒乘旌鉞賞予入私門金
沒盜賊公持奮臂兮反遭獻玉刑三軍視馬首慟哭下
天賦功於心齟齬憤怒鬢插戟中宵拔劍起肅肅整勁
翻吐氣風雲生舉旗陷堅列貫穿死生地喋血天地黑
勢雖衆寡懸形示雌雄決路窮斷首尾衆盡乃手格豈
知龍虎逝黯淡山川色百萬尙震驚嗚呼死諸葛長城
但自壞千古痛稠結肉食無遠謀野史有直筆酒酣歌
節士鼎鼎霜日白

下瞿唐

安如山

夫去如奔馬來來無盡船人心似江水日夜向吳天

漢州志卷三十三終

